



**ACTA XUNTA DE GOBERNO**

**SESIÓN ORDINARIA DE VINTE DE MAIO DE DOUS MIL DEZANOVE**

**(ACTA NÚMERO 25)**

**Presidente:**

D. Darío Campos Conde

**Sres. Deputados:**

D. Pablo Rivera Capón

D. Lino Rodríguez Ónega

D. Eduardo Vidal Baamonde

**Secretaria:**

D<sup>a</sup>. María Esther Álvarez Martínez

**Interventora:**

D<sup>a</sup>. Gloria Baamonde Tomé

No Salón de Comisións do Pazo Provincial, sendo as once horas do día **vinte de maio de dous mil dezanove**, baixo a Presidencia do titular do cargo, Ilmo. Sr. D. Darío Campos Conde, reúnense os Sres. Deputados á marxe relacionados, co obxecto de celebrar, en segunda convocatoria, sesión ordinaria convocada para o efecto, para tratar os asuntos incluídos na Orde do Día regulamentariamente remitida, en virtude das facultades delegadas que lle confire á Xunta o artigo 59 do vixente Regulamento Orgánico desta Corporación.

Actúa de Secretaria D<sup>a</sup>. María Esther Álvarez Martínez, e asiste como Interventora D<sup>a</sup>. Gloria Baamonde Tomé, Xefa do Servizo de Fiscalización.

Non asisten os señores Deputados D. Argelio Fernández Queipo, D. Álvaro Santos Ramos, D<sup>a</sup>. M<sup>a</sup>. del Pilar García Porto, D<sup>a</sup>. Mayra García Bermúdez e D<sup>a</sup>. Sonsoles López Izquierdo.

### **1.- APROBACIÓN, SE PROCEDE, DA ACTA DA SESIÓN ORDINARIA CELEBRADA O DÍA DEZ DE MAIO DE DOUS MIL DEZANOVE.**

Por parte do Sr. Presidente pregúntase aos Sres. Deputados, membros da Xunta de Goberno, se teñen que formular algunha observación á acta da sesión ordinaria celebrada o día dez de maio de dous mil dezanove, que foi distribuída entre os mesmos; e ao non presentarse ningunha emenda, foi aprobada por unanimidade dos asistentes.

### **2.- PROPOSTA EN RELACIÓN COS ESCRITOS DAS ALCALDÍAS DOS CONCELLOS DE ALFOZ, MONFORTE DE LEMOS, TRABADA, O VALADOURO E O VICEDO, SOLICITANDO A APLICACIÓN DE REMANENTES PRODUCIDOS NA ADXUDICACIÓN DE INVESTIMENTOS INCLUÍDOS NO PLAN ÚNICO DE COOPERACIÓN COS CONCELLOS 2018.**

Logo de ver a proposta da Presidencia do seguinte teor:

“Visto o informe do Servizo de Contratación e Fomento, no que, entre outros se conteñen os seguintes extremos:

“En relación cos escritos das Alcaldías dos Concellos de Alfoz, Monforte de Lemos, Trabada, O Valadouro e O Vicedo no que solicitan a aplicación de remanentes producidos na adxudicación de investimentos incluídos no Plan Único de Cooperación cos Concellos 2018, infórmase o seguinte:



Polo Pleno da Deputación Provincial, na sesión ordinaria que tivo lugar o 27 de febreiro de 2018 acordouse a aprobación das Bases Reguladoras do Plan Único de Cooperación cos Concellos 2018. Ditas Bases foron publicadas no BOP nº 051 do sábado 3 de marzo de 2018, fixándose, na base 18, o prazo do 31 de outubro de 2018 para adxudicar e formalizar, de proceder, os contratos referentes ás actuacións incluídas no Plan.

Nas devanditas bases, concretamente na base 13ª, establecece “As baixas obtidas nas licitacións será investidas por cada concello na mesma finalidade, e sempre que non supoña modificación orzamentaria (...), previa proposta do Concello ...”. Segundo o establecido na base 18, “Unha vez adxudicados os investimentos, o concello deberá presentar nesta deputación, de forma individual para cada investimento, a seguinte documentación: A certificación do acordo ou resolución de adxudicación do contrato ou do acordo de execución por administración. (Anexo III ou Anexo IV)”.

O Plan Único de Cooperación cos Concellos 2018 foi aprobado polo Pleno desta Deputación en sesión ordinaria, en data 29 de maio de 2018, figurando incluídas as obras que se sinalan e das cales se produce remanente na adxudicación.

Os concellos indicados achegaron os correspondentes anexos III ou IV, nos que se concretan as baixas producidas nas licitacións dos investimentos incluídos no Plan único, así como solicitude de aplicación destas nas actuacións que se relacionan:

## Concello de Alfoz

O Concello de Alfoz presentou Anexo III de obras incluídas no plan único, relacionando os importes de baixas que se indican a continuación, e en relación coas aplicacións orzamentarias detalladas pola intervención e que se sinalan seguidamente:

Nº obra	IDENTIFICACIÓN	APLICACIÓN	BAIXA € DEPUTACIÓN
6	ACONDICIONAMENTO E PAVIMENTACIÓN DOS ACCESOS A RETORNO AUGALONGA, ARNEAL, FAIAN DE ABAIXO (O PEREIRO), OUTEIRO, CANCELA (ADELÁN), VILAÚDE (MOR), ARNELA, PENALVEIRA, CAMPO PERGAO, CAXIGUEIRA, O CARBALLAL, A RESURA, VILAÚDE-REIRADO E LIÑAR, (segundo coordenadas UTM), INCLUÍDO HONORARIOS	2018 1531 762	26.342,25€

Así mesmo, por escrito de data 07 de maio de 2019, o concello solicita a aplicación destas baixas, e tendo en conta o sinalado na base 13 “ ... na mesma finalidade, e sempre que non supoña modificación orzamentaria, previa proposta do Concello...” nas seguinte actuacións relacionadas; constátase que a aplicación dos remanentes se destina á mesma finalidade que as actuacións inicialmente propostas e nas que se ten producido a baixa respectiva, polos importes e financiamento que se indican:

IDENTIFICACIÓN	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
ACONDICIONAMENTO E PAVIMENTACIÓN DE ACCESOS: O CASTRO, A IGLESIA DE CARBALLIDO, VEIGA DE ADELÁN, REXEDOIRA-SUASBARRAS, A REVOLADA, GOLPILLEIRA, RIZAL E O SOUTO-LOMBA, INCLUÍDO HONORARIOS	1531 76255	26.342,24€	--	26.342,24€

#### Concello de Monforte de Lemos

O Concello de Monforte de Lemos presentou Anexo III de obras incluídas no plan único, relacionando os importes de baixas que se indican a continuación, e en relación coas aplicacións orzamentarias detalladas pola intervención e que se sinalan seguidamente:

Nº obra	IDENTIFICACIÓN	APLICACIÓN	BAIXA € DEPUTACIÓN
142	ADECUACIÓN LOCAL DESTINADO Á UNIDADE DE DROGODEPENDENCIA, INCLUÍDO HONORARIOS	2018 2314 762	8.942,12€

Así mesmo, por escrito de data 08 de maio de 2019, o concello solicita a aplicación destas baixas, e tendo en conta o sinalado na base 13 “ ... na mesma finalidade, e sempre que non supoña modificación orzamentaria, previa proposta do Concello...” nas seguinte actuacións relacionadas; constátase que a aplicación dos remanentes se destina á mesma finalidade que as actuacións inicialmente propostas e nas que se ten producido a baixa respectiva, polos importes e financiamento que se indican:

IDENTIFICACIÓN	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
MOBILIARIO E EQUIPO INFORMÁTICO PARA O LOCAL DESTINADO Á UNIDADE DE DROGODEPENDENCIA	2314 76255	8.942,12€	5.193,09€	14.135,21€



## Concello de Trabada

O Concello de Trabada presentou Anexo III de obras incluídas no plan único, relacionando os importes de baixas que se indican a continuación, e en relación coas aplicacións orzamentarias detalladas pola intervención e que se sinalan seguidamente:

Nº obra	IDENTIFICACIÓN	APLICACIÓN	BAIXA € DEPUTACIÓN
286	ADECUACIÓN DE EDIFICACIÓN PARA PUNTO DE ATENCIÓN Á INFANCIA, INCLÚIDO HONORARIOS	2018 3210 762	10.447,01€

Así mesmo, por escrito de data 04 de marzo de 2019, o concello solicita a aplicación destas baixas, e tendo en conta o sinalado na base 13 “ ... na mesma finalidade, e sempre que non supoña modificación orzamentaria, previa proposta do Concello...” nas seguinte actuacións relacionadas; constátase que a aplicación dos remanentes se destina á mesma finalidade que as actuacións inicialmente propostas e nas que se ten producido a baixa respectiva, polos importes e financiamento que se indican:

IDENTIFICACIÓN	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
REFORMA DO CENTRO SOCIOCULTURAL DE FÓRNEA PARA ACTIVIDADES DE PRESCOLAR NA CASA (NENOS 0-3 ANOS)	3210 76255	10.447,01€	88,41€	10.535,42€

## Concello de O Valadouro

O Concello de O Valadouro presentou Anexo III de obras incluídas no plan único, relacionando os importes de baixas que se indican a continuación, e en relación coas aplicacións orzamentarias detalladas pola intervención e que se sinalan seguidamente:

Nº obra	IDENTIFICACIÓN	APLICACIÓN	BAIXA € DEPUTACIÓN
292	MELLORA DE CAMIÑOS MUNICIPAIS EN MOUCIDE, CABAÑA, BUDIÁN A NOIS, LAMELA, MUXILÁN, REGO DE SAN ESTEBNAN E CARGADEIRO DE SANTA CRUZ, P.K. 0+000 – 6+451, INCLÚIDO HONORARIOS	2018 1531 762	6.558,44€

Así mesmo, por escrito de data 13 de maio de 2019, o concello solicita a aplicación destas baixas, e tendo en conta o sinalado na base 13 “ ... na mesma finalidade, e sempre que non supoña

modificación orzamentaria, previa proposta do Concello...” nas seguintes actuacións relacionadas; conséntase que a aplicación dos remanentes se destina á mesma finalidade que as actuacións inicialmente propostas e nas que se ten producido a baixa respectiva, polos importes e financiamento que se indican:

IDENTIFICACIÓN	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
MELLORA DO FIRME CRUZE DE CAMIÑOS Ó CARGA DEIRO, INCLUÍDO HONORARIOS	1531 76255	6.558,44€	0,00€	6.558,44€

#### Concello de O Vicedo

O Concello de O Vicedo presentou Anexo III de obras incluídas no plan único, relacionando os importes de baixas que se indican a continuación, e en relación coas aplicacións orzamentarias detalladas pola intervención e que se sinalan seguidamente:

Nº obra	IDENTIFICACIÓN	APLICACIÓN	BAIXA € DEPUTACIÓN
298	PAVIMENTACIÓN DE ACCESOS EN TELLADO, MOSTEIRO, SAN ROQUE E PONTELLAS, (segundo coordenadas UTM), INCLUÍDO HONORARIOS	2018 1531 762	15.403,30€

Así mesmo, por escrito de data 10 de maio de 2019, o concello solicita a aplicación destas baixas, e tendo en conta o sinalado na base 13 “... na mesma finalidade, e sempre que non supoña modificación orzamentaria, previa proposta do Concello...” nas seguintes actuacións relacionadas; conséntase que a aplicación dos remanentes se destina á mesma finalidade que as actuacións inicialmente propostas e nas que se ten producido a baixa respectiva, polos importes e financiamento que se indican:

IDENTIFICACIÓN	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
ACONDICIONAMENTO DE INFRAESTRUCTURAS EN ÁSPERA, FRADERÍA, MORGALLÓN E PONTELLAS	1531 76255	15.403,30€	0,00€	15.403,30€

Tendo en conta as solicitudes dos sinalados concellos, de ser vontade desta Corporación acceder ao solicitado, o órgano que deberá adoptar o devandito acordo é a Xunta de Goberno desta Deputación, de conformidade co establecido na base 13 das reguladoras do Plan único 2018, “Os



investimentos así financiados con cargo a baixas de licitación someteranse a aprobación da Xunta de Goberno da Deputación Provincial...”.

Polo que va dito, infórmase favorablemente a financiación dos investimentos identificados polos importes indicados, con cargo aos remanentes producidos na adxudicación de investimentos incluídos inicialmente polos respectivos concellos, no Plan único 2018, debendo estar xustificada a súa execución no mesmo prazo que o establecido para os investimentos incluídos inicialmente.

A vista do anterior, propónse que pola Xunta de Goberno se adopte o seguinte acordo:

1º.- Acceder ao solicitado polas Alcaldías dos Concellos de Alfoz, Monforte de Lemos, Trabada, O Valadouro e O Vicedo e incluír como investimentos financiados con cargo aos remanentes producidos en adxudicacións dos investimentos incluídos inicialmente, os investimentos que deseguido se indican co financiamento que se detalla, e que deberá estar xustificado a súa execución no mesmo prazo que os investimentos incluídos inicialmente.

IDENTIFICACIÓN	CONCELLO	APLICACIÓN	FINANCIACIÓN DEPUTACIÓN	FINANCIACIÓN CONCELLO	TOTAL INVESTIMENTO
ACONDICIONAMENTO E PAVIMENTACIÓN DE ACCESOS: O CASTRO, A IGLESIA DE CARBALLIDO, VEIGA DE ADELÁN, REXEDOIRA-SUASBARRAS, A REVOLADA, GOLPILLEIRA, RIZAL E O SOUTO-LOMBA, INCLUÍDO HONORARIOS	ALFOZ	1531 76255	26.342,24€	--	26.342,24€
MOBILIARIO E EQUIPO INFORMÁTICO PARA O LOCAL DESTINADO Á UNIDADE DE DROGODEPENDENCIA	MONFORTE DE LEMOS	2314 76255	8.942,12€	5.193,09€	14.135,21€
REFORMA DO CENTRO SOCIOCULTURAL DE FÓRNEA PARA ACTIVIDADES DE PRESCOLAR NA CASA (NENOS 0-3 ANOS)	TRABADA	3210 76255	10.447,01€	88,41€	10.535,42€
MELLORA DO FIRME CRUZE DE CAMIÑOS Ó CARGADEIRO, INCLUÍDO HONORARIOS	O VALADOURO	1531 76255	6.558,44€	--€	6.558,44€
ACONDICIONAMENTO DE INFRAESTRUCTURAS EN ÁSPERA, FRADERÍA, MORGALLÓN E PONTELLAS	O VICEDO	1531 76255	15.403,30€	--	15.403,30€

2º.- Dar traslado do presente aos Concellos indicados para ao seu coñecemento e aos efectos expresados no acordo”.

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

### **3.- PROPOSTA DE APROBACIÓN DO PROCEDEMENTO DE ADXUDICACIÓN E DO PREGO DE CLÁUSULAS ADMINISTRATIVAS PARTICULARES E DE PRESCRICIÓNS TÉCNICAS CO OBXECTO DE PROCEDER Á CONTRATACIÓN DOS SERVIZOS DE PRODUCCIÓN TÉCNICA PARA A COOPERACIÓN NA CELEBRACIÓN DO RESURRECTION FEST 2019.**

Logo de ver a proposta da Presidencia do seguinte teor:

“Visto o informe xurídico, no que se recollen as seguintes consideracións:

“Incoase expediente administrativo coa finalidade de proceder á contratación dos servizos de produción técnica para a cooperación na celebración do RESURRECTION FEST 2019.

A mencionada contratación enmárcase dentro do convenio interadministrativo de cooperación asinado entre a Deputación de Lugo e o Concello de Viveiro con data 25 de abril do 2019, para a execución dos fins comúns consistentes en cooperar na celebración do Festival Resurrection Fest, ano 2019. O texto de dito convenio aprobouse mediante acordo da Xunta de Goberno de data 12 de abril do 2019. En concreto, a cláusula terceira do mencionado convenio sinala expresamente no seu apartado primeiro que a Deputación Provincial de Lugo comprométese a “(...) financiar, contratar, executar e desenvolver a súa costa, as actuacións obxecto deste convenio no referente a cooperación na celebración do festival Resurrection Fest 2019, en concreto no apartado de produción técnica”

O obxecto do contrato non está excluído do ámbito de aplicación da LCSP xa que non figura en ningún dos supostos recollidos no seu art. 4 e 11, como negocios xurídicos excluídos.

Ao contrato élle de aplicación a LCSP, xa que a Excma. Deputación provincial de Lugo, é unha das entidades recollidas no seu artigo 3.1.a.

Recóllese na cláusula primeira do prego de cláusulas administrativas, que se trata dun contrato administrativo, en aplicación do artigo 25 da LCSP.





O contrato definido ten a cualificación de contrato administrativo de servizos, de acordo co artigo 17 da LCSP ao conformar prestacións de facer consistentes no desenvolvemento dunha actividade ou dirixidas a obtención de un resultado, distinto de unha obra ou un subministro.

Os pregos de condicións elaborados para disciplinar a licitación e o contrato recolle as esixencias legais sinaladas e adáptase á normativa aplicable. Recolle, con carácter xeral, os aspectos que son de contido obrigatorio, segundo o disposto no artigo 122 da LCSP, en relación co punto 7 do artigo 67 do RXLCAP, salvo os que non son procedentes tendo en conta a modalidade de contrato elixida.

O contrato adxudicarase mediante procedemento negociado sen publicidade, de acordo co establecido nos artigos 116.4.a), 131.2, 168, e 170 da LCSP, nos termos do artigo 131 da citada lei; de conformidade coa aplicación dos criterios que se detallan para a determinación da mellor oferta e de acordo cos artigos 145, 146 e 166.2 da LCSP; criterios que figuran na cláusula 12 do prego de cláusulas administrativas.

A este respecto, sinalar que no informe denominado “Necesidade da Contratación dos Servizos de Producción Técnica para a cooperación na celebración do Resurrection Fest 2019, insuficiencia de medios e non división en lotes, emitido pola Xefa do Servizo de Turismo e que obra no expediente, faise mención específica a que a marca “RESURRECTION FEST”, segundo certificación que acompaña ao expediente, atópase rexistrada a nome de D. Iván Méndez Rodríguez na Oficina de Propiedade Intelectual da Unión Europea-EUIPO (anteriormente denominada Oficina de Harmonización do Mercado Interior- OAMI). Segundo contrato que tamén figura no expediente de data 1 de xuño de 2017, a empresa OLD NAVY PORT PRODUCCIONES, S.L., ten cedido o uso temporal de dita marca no mercado nas edicións do FESTIVAL RESURRECTION FEST dos anos 2017, 2018 e 2019. O informe conclúe que de acordo co exposto, ás prestacións que se pretenden contratar no marco do mencionado convenio interadministrativo de cooperación asinado entre a Deputación de Lugo e o Concello de Viveiro, unicamente poden ser encomendadas á dita mercantil.

Motívase a elección do procedemento e sistema indicados en atención á execución dos dereitos exclusivos que en relación co contido da propiedade industrial da marca do festival de

música RESURRECTION FEST (artigos 1 e seguintes da Lei 17/2001, do 7 de decembro de Marcas), ostenta a empresa OLD NAVY PORT PRODUCCIONES, S.L., a cal ten cedido o uso temporal no mercado de dita marca nas edicións do FESTIVAL RESURRECTION FEST dos anos 2017, 2018 e 2019, segundo certificación de marca e contrato que acompaña ao expediente, de data 1 de xuño de 2017, correspondéndolle por tanto a quen ostente a titularidade da marca o dereito exclusivo a utilizala no tráfico económico así como tamén a posibilidade de prohibir que terceiros, sen o seu consentimento, utilicen no tráfico económico determinados elementos identificativos de dita marca (artigo 34 da amentada norma). A marca pode ser obxecto de licenza (art. 48 da sinalada lei). En base ao anterior, xustifícase á contratación directa coa empresa OLD NAVY PORT PRODUCCIONES, S.L., por ser a única á que se lle pode encomendar esta prestación ao abeiro do disposto no artigo 168 a) apartado 2º da LCSP, por ser procedente á protección de dereitos exclusivos, con amparo nunha norma especial como é a Lei 17/2001, do 7 de decembro de Marcas.; esta norma tal e como se expresa no seu preámbulo sinala que ten por obxecto o réxime xurídico dos “signos distintivos”, categoría xurídica que configura un dos grandes campos da propiedade industrial.

A maior abastanza pódese facer mención, entre outros, ao contido Informe 8/2017, do 21 de xuño de 2017, da Xunta Consultiva de Contratación Administrativa da Comunidade Autónoma de Aragón, que obra no expediente e no que se analiza a posibilidade de empregar o procedemento negociado para a contratación de espectáculos musicais. Informe que se ben fai referencia ao articulado do Real Decreto Lexislativo 3/2011, do 14 de novembro, polo que se aproba o texto refundido da Lei de Contratos do Sector Público (TRLCSPP), disposición actualmente derogada, o seu contido pode ser aplicable á presente licitación naquelas cuestións que a actual LCSP regula en termos similares ao TRLCSPP:

“(…) IV. La contratación de espectáculos musicales.(…)

Por cuanto respecta a la posibilidad de utilizar el procedimiento negociado, el art. 170.1.d TRLCSPP habilita tal posibilidad:

“d) Cuando, por razones técnicas o artísticas o por motivos relacionados con la protección de derechos de exclusiva el contrato sólo pueda encomendarse a un empresario determinado”.



Hay que recordar que el previsto en dicho precepto es un procedimiento excepcional que solo puede utilizarse en los supuestos taxativamente previstos en la ley, debiendo ser objeto de interpretación restrictiva. En este sentido en un reciente Informe 2/2016, de 6 de abril, la Junta Consultiva de Contratación Administrativa de la Generalitat de Cataluña, señala que la circunstancia esencial que permite la utilización de este procedimiento es que no exista la posibilidad de promover la concurrencia. Y en nuestra Recomendación 1/2016, de 20 de abril, relativa a la utilización del procedimiento negociado ya señalábamos que la utilización de este supuesto exige la constatación y acreditación clara e irrefutable, de que concurre una situación de exclusividad.

Tal exclusividad, como precisa la Directiva 2014/24/UE en su considerando 50, debe de ser una exclusividad objetiva, que no haya sido creada por el propio poder adjudicador con vistas al futuro procedimiento de contratación. Actualmente, el artículo 32.2 b de la Directiva 2014/24/UE precisa que resultará posible acudir a este supuesto cuando las obras, los suministros o los servicios solo puedan ser proporcionados por un operador económico concreto por alguna de las siguientes razones:

“i) que el objetivo de la contratación sea la creación o adquisición de una obra de arte o actuación artística única...”<sup>1</sup>

La cuestión que se debe resolver es qué se entiende en el caso de espectáculos musicales por “actuación artística única”. Sobre la subsunción de la contratación de servicios de espectáculos musicales en el supuesto al que se refiere el art. 170.1.d TRLCSP la Junta Consultiva de Contratación Administrativa del Estado, en su Informe 41/96, de 22 de julio de 1996, en el que expresamente se le preguntaba por el procedimiento de adjudicación de contratos que tuvieran por objeto «la contratación de un artista o grupo artístico que aporta su labor creativa al espectáculo (orquestas)», se manifestó conforme con el criterio de que «las razones artísticas son suficientes para considerar que

---

<sup>1</sup> Aínda que non se sinala expresamente no Informe 8/2017 mencionado, outra das razóns contempladas no artigo 32.2 b da Directiva 2014/24/UE, en concreto a sinalada no seu punto iii), é que deban protexerse dereitos exclusivos, incluídos os dereitos de propiedade intelectual o industrial.

sólo puede encomendarse el objeto del contrato a un único empresario, pues una interpretación contraria dejaría vacío de sentido el precepto u obligaría a una labor ímproba de determinar cuándo una obra artística puede ser llevada a cabo o no por otro artista o empresario, introduciendo un elevado grado de inseguridad jurídica» (...).”

Igualmente pódese facer mención á Resolución 125/2018 recaída no Recurso 1315/2017, do Tribunal Administrativo Central de Recurso Contractuais do 9 de febreiro do 2018, que no seu fundamento de dereito quinto, xustifica a utilización do procedemento negociado sen publicidade para a contratación de prestacións afectadas por dereitos de propiedade intelectual e industrial, sinalando textualmente o seguinte:

“En consecuencia, en este expediente (como lo fue en el expediente recurrido con el número 195/2016 señalado en el párrafo anterior) se mantiene y no se discute la titularidad sobre el uso de los derechos de propiedad industrial e intelectual corresponde exclusivamente a INDRA, y que la Administración tiene únicamente respecto de la misma un derecho de uso no transferible a terceros, no siendo posible sino el procedimiento negociado sin publicidad para contratar aquellos derechos de propiedad intelectual e industrial.”

Nesta resolución, cítase unha precedente (a número 301/2016), procedente do recurso nº 195/2016 e “*obiter dicta*” cabe citar os argumentos expresados na resolución 154/2016, dimanantes , en tanto que expresa– no seu fundamento xurídico 4º que si “el objeto del procedimiento fuera un producto patentado podría constituir un motivo para la contratación directa, mediante un procedimiento negociado sin publicidad, con el titular de la patente, tal y como indica el órgano de contratación en su informe.”

Por último, e dado que está directamente relacionado coa protección de dereitos exclusivos de propiedade intelectual e industrial, e o emprego do procedemento negociado sen publicidade regulado no artigo 168 da LCSP, citar tamén o Estudio jurídico sobre la condición de bienes incorporales de la producción en televisión (derechos intelectuales) a efectos de la aplicación de la



normativa de contratos públicos (Gimeno Feliu, Jose María) <sup>2</sup>, que na súa consideración terceira sinala:

“Por último, quedan por mencionar los supuestos en que se quieran adquirir unos derechos exclusivos sobre servicios donde existan derechos intelectuales que puedan ser objeto de explotación y no tienen carácter de propiedad incorporal. El artículo 168 LCSP habilita un procedimiento negociado sin publicidad cuando “las obras, los suministros o los servicios solo puedan ser encomendados a un empresario determinado, por alguna de las siguientes razones: que el contrato tenga por objeto la creación o adquisición de una obra de arte o representación artística única no integrante del Patrimonio Histórico Español; que no exista competencia por razones técnicas; o que proceda la protección de derechos exclusivos, incluidos los derechos de propiedad intelectual e industrial”. El elemento de derechos de propiedad intelectual es evidente siempre que se pretenda la relación con una Universidad Pública en la que se ponga como valor para la decisión de adquisición un elemento diferenciador “personalísimo”.

En determinados servicios audiovisuales, al margen de la propiedad incorporal, el poder adjudicador podrá utilizar este procedimiento. Y, aunque las cuantías fueran de un contrato menor, en una interpretación sistemática, resulta evidente que no funcionaría el límite cuantitativo global del artículo 118 LCSP, ya que no se aplica en los casos donde el “contratista”, tiene derechos exclusivos, o razones técnicas o económicas (así lo indica el propio 118.3 al señalar, con relación a ese límite, que “quedan excluidos los supuestos encuadrados en el artículo 168 a) 2.”).

No informe de necesidade de contratación, relaciónanse tamén as cuestións relativas á execución de dereitos de exclusividade.

A presente contratación non se atopa suxeita a regulación harmonizada dado o importe do mesma, consonte ao establecido no artigo 22 do LCSP, desenvolto, nas contías pola Orden

---

<sup>2</sup> Gimeno Feliu, José María “*Estudio jurídico sobre la condición de bienes incorporales de la producción en televisión (derechos intelectuales) a efectos de la aplicación de la normativa de contratos públicos*”. Procedimientos de adjudicación”, en Cuadernos de Derecho Local Nº 48 2018. Contratación pública

HFP/1298/2017, do 26 de decembro, pola que se publican os límites dos distintos tipos de contratos a efectos da contratación do sector público a partir do 1 de xaneiro de 2018

Motívase a non división en lotes, segundo informe incorporado ao expediente emitido pola Xefa do Servizo de Turismo polo feito de que, por razóns de exclusividade (relacionadas na cláusula 8 do PCAP e sinaladas na consideración cuarta do presente informe), as prestacións obxecto da contratación soamente se lle poden encomendar á empresa que posúe os dereitos da marca do festival de música RESURRECTION FEST para a edición do ano 2019. A execución independente das distintas prestacións implicarían disfuncións na execución ante a necesidade de establecer unha coordinación finalista e compatible coa exclusividade do evento e a súa organización.

A maior abastanza, o apartado V do Preámbulo da LCSP, tras describir algunha das medidas que esta lei introduce en beneficio das PEMES, sinala textualmente que:

“Además de las anteriores, se encuentran aquí como medidas de apoyo a las PYMES todas las medidas de simplificación del procedimiento y reducción de cargas administrativas, introducidas con el objetivo de dar un decidido impulso a las empresas. Como medidas más específicas, se ha introducido una nueva regulación de la división en lotes de los contratos (invirtiéndose la regla general que se utilizaba hasta ahora, debiendo justificarse ahora en el expediente la no división del contrato en lotes, lo que facilitará el acceso a la contratación pública a un mayor número de empresas(...)). A LCSP invierte a regra xeral no que respecta á división en lotes co obxecto de facilitar o aceso á contratación pública a un maior número de empresas. Dado que no presente procedemento, polas razóns de exclusividade anteriormente sinaladas, non é posible promover a concorrência e polo tanto facilitar o aceso a esta licitación a un maior número de empresas, sendo esta a finalidade última do lexislador ao establecer como regra xeral a división en lotes dos contratos, queda totalmente xustificada a non división nesta licitación. Existe Informe do Servizo de Turismo, no que faise mención a que se coidou que o orzamento base de licitación sexa axeitado aos prezos de mercado, sendo, por tanto, o prezo total do contrato adecuado para o seu efectivo cumprimento. Tivéronse en conta todos os custos directos e indirectos así coma o beneficio industrial, de acordo co estipulado nos artigos 100 e 101 da LCSP

Non se prevé no PCAP a revisión de prezos.



As obrigas que se deriven da presente contratación, segundo se recolle na certificación da intervención xeral, de data 9 de maio do 2019, financiaranse con cargo á aplicación orzamentaria 4210.22609 (A:22019/9011), do vixente Orzamento Xeral, por un importe total de 150.000,00 € (IVE engadido).

As necesidades administrativas e a idoneidade do obxecto contractual e das prestacións a satisfacer constan no informe da Xefa do Servizo de Turismo que forma parte do expediente e no que se conclúe que:

“A necesidade administrativa a satisfacer con esta contratación é o impulso de actividades para a promoción do turismo na nosa provincia, e neste caso de marcado interese turístico para a Mariña Lucense. A necesidade administrativa a satisfacer vese reforzada polo grande impacto que para o territorio supón a celebración dun festival desta envergadura, cunha programación de alta calidade, con concertos de grandes artistas, sendo o maior festival de hardcore/punk e metal de toda a Península”.

En todo caso, ditas necesidades administrativas son consecuencia do convenio interadministrativo de cooperación suscrito entre a Deputación de Lugo e o Concello de Viveiro con data 25 de abril do 2019

Por tratarse dun contrato de servizos, no amentado informe da Xefa do Servizo de Turismo, faise mención a insuficiencia de medios da Administración contratante, ao sinalar que: “(...) pola propia natureza das prestacións a contratar, o Servizo de Turismo non dispón dos medios persoais e materiais suficientes que permitan dar cumprimento aos compromisos asumidos pola entidade provincial no convenio interadministrativo asinado co Concello de Viveiro. Ante esta insuficiencia de medios, faise necesaria a contratación externa dos servizos de produción técnica para a cooperación na celebración do Resurrection Fest 2019 coa empresa OLD NAVY PORT PRODUCCIONES, S.L.”

O prazo de duración do contrato será de un mes contado desde o día seguinte no que se proceda á sinatura da acta de inicio das prestacións obxecto da presente contratación, ou no seu

defecto, desde o día seguinte á formalización do correspondente contrato, salvo circunstancias excepcionais non previstas. Non se prevén no PCAP prórrogas.

Se se producise retraso no cumprimento dos prazos de inicio do contrato por causas non imputables ao contratista, a Administración poderá, a petición deste ou de oficio, conceder a prórroga que será polo menos por un tempo igual ao tempo perdido, salvo que o contratista solicite outro menor, de acordo ao disposto no artigo 195 da LCSP.

Lembrar a aplicación das obrigas de publicidade e de remisión de información ao Tribunal de Contas e ao Rexistro de Contratos do Sector Público previstas nos artigos 63, 335 e 346 da LCSP, respectivamente.

En canto aos recursos, debe estarse ao establecido no artigo 44 da LCSP, de modo que nos contratos de servizos de valor estimado superior a cen mil euros (apartado 1º do art. 44), como é este o caso, cabe interpoñer recurso especial en materia de contratación, contra as actuacións indicadas no apartado 2º.

Contra as actuacións que caiba recurso especial en materia de contratación, non procederá a interposición de recursos administrativos ordinarios.

Os actos que se diten en procedementos de adxudicación de contratos das administracións públicas que non reúnan os requisitos do artigo 44.1 da LCSP poderán ser obxecto de recurso de conformidade co previsto na Lei 39/2015, do 1 de outubro; así como na Lei 29/1998, do 13 de xullo, reguladora da xurisdición contencioso-administrativa.

O recurso especial en materia de contratación interpoñerase ante o Tribunal Administrativo de Contratación Pública da Comunidade Autónoma de Galicia, con enderezo en <https://tacgal.xunta.gal/>, dentro do prazo de quince días hábiles computados segundo o fixado no artigo 50 da LCSP.





O Tribunal ten a súa sede en Santiago de Compostela e está incluído no ámbito do Rexistro Xeral da Xunta de Galicia para as funcións de rexistro que precise (situado no Edificio Administrativo San Caetano, en Santiago de Compostela)

De conformidade co prego de cláusulas administrativas, os artigos 61.1 e 61.2 da LCSP, e, en virtude das competencias atribuídas pola disposición adicional segunda do mesmo texto legal, o órgano de contratación que actúa en nome da Deputación provincial de Lugo é a Xunta de Goberno no que se refire á aprobación do Prego de Cláusulas Administrativas Particulares, e de Prescricións Técnicas, así como para aprobación do gasto, a adxudicación, a interpretación, modificación e resolución do contrato, nos termos do artigo 59 apartados 8 e 12 do ROD (Regulamento Orgánico da Deputación Provincial, publicado no BOP de 10 de marzo de 2011): aplicable de acordo coa circular de Secretaría Xeral en funcións de data 2 de novembro de 2018; nos restantes actos procedimentais o órgano competente será o Sr. Presidente da Deputación Provincial.

O artigo 3.3 h do Real Decreto 128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional sinala que a emisión de informes cando así se estableza na lexislación sectorial é unha das atribucións que comprende a función de asesoramento legal preceptivo que lle corresponde exercer á Secretaria Xeral da entidade provincial. O apartado 4 do mencionado artigo dispón a estes efectos, que a emisión do informe do Secretario poderá consistir nunha nota de conformidade en relación cos informes emitidos polos servizos da propia entidade e que figuren como informes xurídicos no expediente.”

Polo que vai dito, e en base ao mesmo, propónse que pola Xunta de Goberno, se adopten os seguintes acordos:

**1º.-** Aprobar a contratación dos servizos de produción técnica para a cooperación na celebración do RESURRECTION FEST 2019.

**2º.-** Aprobar os pregos de cláusulas administrativas particulares e prescricións técnicas que rexerán na licitación do contrato sinalado no parágrafo anterior.

3º.- Aprobar o procedemento de adxudicación, que é o procedemento negociado sen publicidade, de conformidade co establecido no artigo 168 a) apartado 2º da LCSP, e dispoñer a apertura do mesmo.

4º.- Ordenar ao Servizo de Contratación e Fomento que curse convite á empresa OLD NAVY PORT PRODUCCIONES, S.L para a presentación da súa oferta e tamén durante a fase de negociación.

5º.- Aprobar o gasto por importe de 123.966,94 euros, aos que habería que engadir 26.033,06 en concepto de IVE (21%), o que fai un total de 150.000,00 euros”.

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

**4.- PROPOSTA DE APROBACIÓN, SE PROCEDE, DO PROCEDEMENTO DE ADXUDICACIÓN E DO PREGO DE CLÁUSULAS ADMINISTRATIVAS PARTICULARES E DE PRESCRICIÓN TÉCNICAS CO OBXECTO DE PROCEDER Á CONTRATACIÓN DE PATROCINIO PUBLICITARIO DEPORTIVO DE EQUIPOS (SOCIEDADES ANÓNIMAS) DE CATEGORÍAS ESTATAIS DE FÚTBOL E BALONCESTO CO FIN DE PROMOCIONAR A MARCA A DEPUTACIÓN DE LUGO CO DEPORTE OU CALQUERA OUTRA MARCA/IMAXE/MENSAXE DA DEPUTACIÓN DE LUGO/PROVINCIA DE LUGO. CB BREOGÁN SAD DISCIPLINA BALONCESTO. ANUALIDADE 2019.**

Logo de ver o escrito asinado polo Xefe do Servizo de Contratación e Fomento no que expón a necesidade de retirar o mencionado asunto por non ter rematado o expediente en todos os seus apartados a Xunta de Goberno, por unanimidade dos asistentes acorda retirar da orde do día o presente asunto para o seu mellor estudo.

**5.- APROBACIÓN, SE PROCEDE, DE CONVENIOS DE COLABORACIÓN CON DISTINTAS ENTIDADES E CONCELLOS.**



**Primeiro.-** *Proposta para aprobar o convenio interadministrativo de cooperación entre esta Deputación Provincial e o Concello de Lugo para a execución dos fins comúns consistentes en cooperar na celebración de diversas actividades e actuacións durante a Festa do Arde Lucus e o San Froilán 2019.*

Logo de ver a proposta da Presidencia do seguinte teor:

“Tendo en conta os informes e antecedentes incorporados ao expediente e visto o informe do Servizo de Contratación e Fomento, relativo ao Convenio interadministrativo de referencia:

“Antecedentes de feito:

En data 8 de abril de 2019 tivo entrada no Rexistro Xeral da Deputación Provincial de Lugo solicitude presentada pola Concelleira delegada de Cultura, Turismo, Xuventude e Promoción da Lingua do Concello de Lugo, a fin de implementar unha relación interadministrativa de cooperación, concorrendo títulos competenciais e un obxectivo común: instrumentar un sistema de cooperación para acadar a celebración de diversas actividades e actuacións durante a festa do Arde Lucus e o San Froilán 2019.

Con dita solicitude achéganse:

Unha memoria explicativa da importancia do Arde Lucus como festa de recreación histórica, para conmemorar o pasado romano da cidade de Lugo declarada festa de interese turístico nacional. O mesmo verbo das festas de San Froilán. Con esta celebración e eventos pretendese manter o atractivo turístico, cultural e de lecer de Lugo.

O anexo II de orzamento e financiamento.

Un anexo III de declaración doutras axudas.

Un modelo de declaración responsable nesta relación de cooperación.

Certificados acreditativos de estar ao corrente das súas obrigas tributarias ou fronte á seguridade social, expedidos pola Axencia Estatal da Administración Tributaria, Xunta de Galicia, Deputación Provincial e Seguridade Social.

Declaración responsable de estar ao corrente no cumprimento das obrigas tributarias.

Anexo á solicitude de convenio interadministrativo de Cooperación presentada.

Reportaxes periodísticos.

Segundo a memoria asinada pola Concelleira delegada de Cultura, Turismo, Xuventude e Promoción da Lingua do Concello de Lugo, o Arde Lvcvs e as festas de San Froilán están declaradas festas de interese turístico nacional. No caso do Arde Lvcvs converteuse nunha conxugación perfecta entre ocio e cultura, nun referente a nivel nacional con unha grande repercusión mediática e de afluencia de público. E no caso das festas de San Froilán é unha das mellores ocasións para coñecer Lugo monumental e histórico, e toda a provincia; esta é unha festa popular e fermosa celebrada no outono.

Ambas celebracións teñen transcendencia no territorio provincial e contan con unha singular participación e implicación da sociedade civil, ademais da institucional. Nas memorias xustificativas achegadas pode observarse a participación veciñal e a sociedade civil nestes eventos.

Este Convenio ten por obxecto establecer as bases de cooperación, no marco dunha relación interadministrativa entre o Concello de Lugo e a Deputación Provincial de Lugo, en exercicio dunha competencia compartida, para a execución dos fins comúns, consistentes na instrumentación da celebración de diversas actividades e actuacións durante a festa do Arde Lvcvs e o San Froilán 2019. Non constitúen unha prestación propia dos contratos; a cooperación está guiada por razóns de interese público e conforma unha canle para a satisfacción con eficacia do obxectivo común, sen necesidade de crear estruturas burocráticas con custes engadidos e disfuncións para o que se comprometen a realizar as seguintes aportacións:



ACTUACIÓN	ACHEGA DEPUTACIÓN	ACHEGA CONCELLO DE LUGO
<p>Celebración de diversas actividades e actuacións durante a festa do Arde Lucus e o San Froilán 2019: Festas de interese turístico nacional.</p> <p>Arde Lucus 2019: creatividade de Video-mapping Arde Lucus 2019: Proxección de video-mapping os días 14 e 15 Arde Lucus 2019: Animación de calle os días 14 e 15 Arde Lucus 2019: Actividades do campamento dos artifex</p> <p>San Froilán 2019: X Desfile de Gando San Froilán. Percorrido: treito peonil da Ronda da Muralla, praza da Constitución, Campo Castelo, praza Maior e rúa Bispo Aguirre. Acompañará un grupo de música tradicional.</p> <p>San Froilán 2019: Catro representación de Os Pelúdez entre Nós (no pregón, pola praza Maior e Recinto Feiral, na sesión de tarde dunha orquestra e pola zona dos viños).</p> <p>San Froilán 2019: Desfile do Traxe Galego da Asociación do Traxe Galego de Santiago de Compostela.</p> <p>San Froilán 2019: Obradoiro e actuación da Verbena Galega D'Antes. Intérpretes e figurantes caracterizados dos anos 40-50 do século XX. Clases de baile e actuación de Airiños da Freba e os Danzantes do Xeito.</p> <p>San Froilán 2019: Actuación da discoteca da Duendeneta en tres días sinalados do San Froilán 2019.</p> <p>San Froilán 2019: Actuación de dezasete grupos de música e baile tradicional galego por prazas e rúas de barrios e centro da cidade de Lugo durante todo o San Froilán. Actuarán grupos de Lugo cidade e grupos da provincia: Vilalba, As Nogais, Fonsagrada, Castro de Rei, Sarria e O Incio.</p> <p>San Froilán 2019: Artista por determinar na noite do día do patrón, 5 de outubro, sábado.</p>	68.328,25€	3.596,25

Ambas administracións comprométense a realizar as tramitacións xurídico administrativas que resulten necesarias para acadar o fin común, prestándose mutuamente a cooperación requirida e asumindo a obriga de desenvolver as actividades xurídico administrativas e técnicas necesarias para cumprir os compromisos, respectiva e reciprocamente, asumidos no convenio.

Incorpórase ao expediente minuta de convenio interadministrativo de cooperación entre a Deputación Provincial de Lugo e o concello de Lugo.

Fundamentos Xurídicos-Administrativos:

O artigo 111 do Real Decreto Legislativo 781/86 de 18 de abril, do texto refundido das disposicións legais vixentes en materia de Réxime Local, sinala que: “as Entidades Locais poderán concertar os contratos, pactos ou condicións que teñan por conveniente, sempre que non sexan contrarios ó interese público, ó ordenamento xurídico ou ós principios de boa administración, e deberán cumprilos a teor dos mesmos, sen prexuízo das prerrogativas establecidas, no seu caso, a favor de ditas Entidades”.

O artigo 47 da Lei 40/2015, de 1 de outubro, do Réxime Xurídico do Sector Público, sinala a definición de convenios, establecendo que:

“Son convenios os acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas ente si ou con suxeitos de dereito privado para un fin común.

Os convenios non poderán ter por obxecto prestacións propias dos contratos. En tal caso, a súa natureza e réxime xurídico axustarase ao previsto na lexislación de contratos do sector público.

(...)”.

Este mesmo artigo 47 sinala os tipos de convenios, ao establecer:

“Os convenios que subscriban as Administracións Públicas, os organismos públicos e as entidades de dereito público vinculados ou dependentes e as universidades públicas, deberán corresponder a algún dos seguintes tipos:

Convenios interadministrativos, asinados entre dúas ou mais Administracións públicas, ou ben entre dous ou mais organismos públicos ou entidades de dereito público vinculadas ou dependentes de distintas administracións públicas... (...)”.

En canto aos requisitos de validez e eficacia dos convenios, o artigo 48 da amentada Lei 40/2015, establece “1. As Administracións Públicas poderán subscribir convenios con suxeito de dereito público e privado, sen que elo poida supoñer cesión de titularidade ou competencia; (...); 3.



A subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sostibilidade financeira; (...); 5. Os convenios que inclúan compromisos financeiros deberán ser financeiramente sostibles, debendo quen os subscriban, ter capacidade para financiar os asumidos durante a vixencia do convenio; 6. As aportacións financeiras que se comprometan a facer os asinantes non poderán ser superiores aos gastos derivados da execución do convenio; (...); 8.- Os convenios perfecciónanse pola prestación do consentimento das partes. (...)”.

En canto ao contido dos convenios, o artigo 49 de Lei 40/2015 de 1 de outubro do RXSP sinala que:

“... deberán incluír, polo menos:

Suxeitos que subscriben o convenio e a capacidade xurídica con que actúa cada unha das partes.

A competencia na que se fundamente a actuación da Administración Pública.

O obxecto do convenio e actuacións a realizar por cada suxeito para o seu cumprimento, indicando, no seu caso, a titularidade do resultado obtido.

Obrigas e compromisos económicos asumidos por cada unha das partes , se os houbera, indicando a súa distribución temporal por anualidades e a súa imputación concreta ao orzamento, de acordo co previsto na lexislacións orzamentaria.

Consecuencias aplicables no caso de incumprimentos das obrigas e compromisos asumidos por cada unha das partes, e no seu caso os criterios para determinar a posible sanción por incumprimento

Mecanismos de seguimento, vixilancia e control da execución do convenio e dos compromisos adquiridos polos asinantes.

Réxime de modificación do convenio.

Prazo de vixencia do convenio, tendo en conta:

Os convenios deberán ter unha duración determinada, que non poderá ser superior a catro anos, salvo que por norma se prevea un prazo superior.

En calquera momento, antes de finalizar o prazo previsto, os asinantes poderán acordar de forma unánime a súa prórroga por un período de ata catro anos adicionais ou a súa extinción. (...)”

Aparte das previsións de cooperación das Deputacións cos Concellos, fixadas na lexislación de réxime local, a normativa común sobre o réxime xurídico do sector público alude as relacións de cooperación interadministrativa (aplicables neste caso a dúas administracións municipais) como aparello técnico - administrativo manexado na proposta e no convenio analizado, no art. 3.1.k da Lei 40/2015, do 1 de outubro ao indicar que: “as administracións públicas, deberán respectar na súa actuación e relacións os principios de cooperación, colaboración e coordinación entre as Administracións Públicas”. Esta cooperación horizontal, resulta coherente cos principios que rexen as relacións interadministrativas tal e como se prevé no artigo 140 da mesma Lei, citando no seu apartado 1.a) “lealdade institucional” e concretando no artigo 141, na súa letra d) que consecuentemente aquelas deberán “Prestar, no ámbito propio, a asistencia activas que as outras administracións puideran recadar para o eficaz exercicio das súas competencias”.

Ademais, conforme aos artigos 143 e 144 desta mesma Lei 40/2015: “ 1. As administracións cooperarán ao servizo do interese xeral podendo acordar de maneira voluntaria a forma de exercer as súas respectivas competencias que mellor sirva a este principio. 2. A Formalización de relacións de cooperación requirirá a aceptación expresa das partes, formulada en acordos dos órganos de cooperación ou en convenios. (...). 2. Nos convenios e acordos nos que se formalice a cooperación preveranse as condicións e compromisos que asumen as partes que os subscriben. 3. Cada Administración pública manterá actualizado un rexistro electrónico dos órganos de cooperación nos que participe e de convenios que subscriba”.





A lexislación de réxime local tamén é consecuyente coa autoorganización a través de relacións de cooperación.

O artigo 30 do RDL 781/1986, de 18 de abril, polo que se aproba o Texto refundido das disposicións legais vixentes en materia de Réxime Local, sinala:

“1.- A Deputación cooperará á efectividade dos servizos municipais, preferentemente dos obrigatorios, aplicando a tal fin: a) medios económicos propios da mesma que se asignen; b) subvencións ou axudas financeiras que conceda o estado ou CCAA; c) (...)

2.- A cooperación poderá ser total ou parcial, segundo aconsellen as circunstancias económicas dos Municipios interesados

3.- Os servizos a que debe alcanzar a cooperación serán, en todo caso, os relacionados como mínimos no artigo 26 da Lei 7/1985, de 2 de abril.(...)

6.- As formas de cooperación serán: (...) h) Subscrición de convenios administrativos; (...).”

A lexislación de réxime local de Galicia, nesa idea de potenciar a colaboración e cooperación entre as administracións públicas para a satisfacción dos intereses xerais, nun sistema multinivel de poder público, e por ende con intereses, obxectivos e fins comúns, a través da Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sostibilidade da administración local, precisa no seu artigo 3.3 que: “non se entenderán como o exercicio de novas competencias, (...), f) a colaboración entre administracións entendida como o traballo en común para solventar os problemas comúns que poidan formularse alen de o concreto reparto competencial entre os distintos sectores da acción pública de acordo co ar. 193.2 da Lei 5/1997” –LALGA-, precepto este que regula a colaboración entre as administracións públicas autonómicas, e tamén o auxilio administrativo do art. 193.4 da LALGA conceptualizado legalmente como o deber que teñen tódalas administracións de prestarlle apoio e asistencia activa as demais para que estas poidan exercer axeitadamente as súas competencias.

Son fins propios e específicos da provincia garantir os principios de solidariedade e equilibrio intermunicipais, no marco da política económica e social (art. 31.2 LBRL). De acordo co

establecido no artigo 36 LBRL modificado pola LRSAL unha competencia propia da Deputación é: “a cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito”.

No mesmo senso se pronuncia o artigo 109 da Lei de Administración Local de Galicia (Lei 5/1997 do 22 de xullo), ao sinalar que: “é competencia propia da Deputación, en calquera caso, en xeral, o fomento e a administración dos intereses peculiares da provincia”, subliñando que as competencias propias das Deputacións son ademais das atribuídas polas leis do Estado, as asignadas no mesmo concepto polas leis das Comunidades Autónomas (artigo 36.1 LBRL na súa vixente redacción).

Entre as competencias das Deputacións Provinciais, o artigo 36 da citada LBRL sinala: “(...), b) Asistencia e cooperación xurídica, económica e técnica aos Municipios, especialmente os de menor capacidade económica e de xestión; (...), d) A cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito. (...)”. En aplicación do artigo 36, letra d) da LBRL “a Deputación da soporte aos concellos para a tramitación de procedementos administrativos e realización de actividades materiais e de xestión asumíndoas cando aqueles se lles encomenden.”

Os artigos 114 e 115 da LRALG regulan respectivamente, a asistencia económico–financeira e a asistencia técnica aos concellos, aplicables ao fin deste convenio.

A cooperación da Deputación Provincial cos concellos atribúese directamente polo ordenamento xurídico como unha competencia propia (cooperación competencial), aínda así a súa formalización require o consentimento da outra parte (o Concello) para evitar que por medio da técnica de cooperación se limite a autonomía e o libre exercicio das funcións municipais.

En canto as competencias e fins do Concello de Lugo, en relación coa promoción turística e da cultura, indícase o seguinte:

O artigo 25 da Lei 7/1985, de 2 de abril (en adiante LBRL), na redacción dada pola Lei



27/2013, de 27 de decembro, de Racionalización e Sustentabilidade da Administración Local (LRSAL) establece que o municipio exercerá, en todo caso, como competencias propias, nos termos da lexislación do Estado e das Comunidades Autónomas, entre outras: “... h) Información e promoción da actividade turística de interese e ámbito local; (...) m) promoción da cultura e equipamentos culturais”.

Esta determinación competencial das Entidades locais, fixada na lexislación básica estatal, complementase coa lexislación de réxime local autonómica e coa normativa sectorial estatal e autonómica, posto que a STC 41/2016, de 3 marzo, interpreta o reformado artigo 25 da LBRL (reformado pola LRSAL), declarando que as Leis das comunidades autónomas poden atribuír competencias propias aos municipios ao igual que outras leis estatais sectoriais.

Así, a Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro (LRSAL) establece, na súa Disposición Adicional Primeira, que as competencias atribuídas ás entidades locais pola lexislación autonómica antes da entrada en vigor da LRSAL, continuarán exercéndoas elas, rexéndose pola indicada lexislación ou, de ser o caso, polo dereito estatal aplicable como supletorio.

A maiores, no Art. 3.3 Lei 5/2014 concrépanse aquelas actividades que non se entenden como o exercicio de novas competencias, entre as que cita na letra f) A colaboración entre administracións entendida como o traballo en común para a solución daqueles problemas, tamén comúns, que poidan formularse máis alá da concreta repartición competencial nos distintos sectores da acción pública, de acordo co artigo 193.2 da Lei 5/1997 e na letra g) O auxilio administrativo, de acordo co disposto no artigo 193.4 da Lei 5/1997, conceptualizado legalmente como o deber que teñen tódalas administracións de prestarlles apoio e asistencia activa as demais para que estas poidan exercer axeitadamente as súas competencias.

Ademais, os artigos 5 e 6 da Lei 7/2011, do 27 de outubro, de turismo de Galicia recollen as competencias turísticas dos municipios e das entidades locais supramunicipais, que precisan:

a) Municipais.

“Artigo 5. Competencias municipais.

Corresponden aos concellos, sen prexuízo das competencias establecidas pola lexislación de réxime local, as seguintes atribucións:

a) A protección e promoción dos recursos turísticos do seu termo municipal.

(...)

c) Promover a declaración de municipio turístico e de festas de interese turístico.

(...)

g) O exercicio das competencias turísticas que lles sexan atribuídas pola Administración da Xunta de Galicia, de acordo co establecido pola lexislación de réxime local.

(...).”

b) Entidades Locais supramunicipais.

“Artigo 6. Competencias das entidades locais supramunicipais.

1. Corresponden ás entidades locais supramunicipais, sen prexuízo das competencias establecidas pola lexislación de réxime local, as seguintes atribucións:

a) A promoción dos recursos turísticos e xeodestinos, segundo a definición contemplada no artigo 23.1, que se determinen dentro do seu ámbito territorial, en coordinación con todos os entes locais afectados e a Administración autonómica.

b) O asesoramento e apoio técnico aos entes locais do seu ámbito territorial en calquera aspecto que mellore a súa competitividade turística.

c) A articulación, coordinación e fomento das estratexias de promoción derivadas do ámbito privado do sector turístico.

(...).”

E nos artigos 2 e 3.2 da Lei 5/2016, do 4 de maio de Patrimonio Cultural de Galicia recóllense as competencias que lle corresponden en materia de patrimonio cultural á Comunidade Autónoma e as entidades locais.

A Deputación, segundo o establecido no convenio, prevese que coopere co Concello de Lugo na achega de financiamento para a celebración de diversas actividades e actuacións durante a festa do Arde Lvcvs e o San Froilán 2019, co que se impulsa a promoción turística desta zona e o seu dinamismo cultural e participativo; e, de forma indirecta, o da provincia en xeral. Estas celebracións, conlevará promoción turística dos concellos da zona e da provincia; en consecuencia,



a xeración de riqueza, co conseguinte pulo económico que produce, en forma de economía de servizos.

Trátase dunha situación de aproveitamento de sinerxias, co obxectivo de que sirva como un instrumento vertebrador e cohesionador da sociedade. A través desta actuación preténdese aumentar a capacidade para xerar emprego de forma sostible na zona, facendo uso do turismo e a cultura popular, como un reequilibrador territorial que favoreza o posible asentamento de persoas, fornecendo a actividade económica da provincia. Aproveitase a tradición cultural da Cidade, como unha palanca para fornecer a actividade económica.

Ambas partes deben dar cumprimento as obrigas de facer e de dar (achegas) estipuladas no convenio interadministrativo de cooperación.

Sinalar que o convenio interadministrativo se configura como unha relación xurídica bilateral voluntaria, na que concorren competencias e fins comúns a todas as entidades, tanto pola causa, como polos fins e mesmo o seu ámbito, entendendo que a cooperación horizontal interadministrativa contribúe eficazmente á satisfacción dun fin público compartido, colaboración admitida tanto pola lexislación do réxime local estatal e autonómico, como polo artigo 12.4 da Directiva 2014/24, UE, do Parlamento Europeo, segundo se recolle na guía de colaboración pública horizontal (público – público).

A propia Xunta de Galicia ao abeiro do establecido na Lei 14/2013, do 26 de decembro, de racionalización do sector público autonómico regula diversos mecanismos de colaboración dentro do sector público e puxo en circulación a chamada guía de colaboración público- público da Comunidade Autónoma de Galicia, que serve de acervo xurídico- administrativo a tomar como referencia.

Determinacións que se incorporan ao artigo 31 da Lei 9/2017, do 8 de novembro, de Contratos do Sector Público ao referirse a potestade de autoorganización e aos sistemas de cooperación pública, neste caso horizontal, vía convenio e sen que os resultados desa cooperación poda cualificarse de contractual, cumprindo as condicións enmarcadas no artigo 6.1 da mesma Lei

de Contratos do Sector Público (lograr os obxectivos compartidos, guiándose por consideracións de interese público).

Esta relación interadministrativa de cooperación enmarcarase, xa que logo, na estrutura dunhas administracións ordenadas para remover os obstáculos que impidan ou dificultan que a igualdade e liberdade dos individuos e dos grupos en que se integran sexan reais e efectivos, onde todas as administracións públicas deberán cooperar no desenvolvemento de medidas encamiñadas ao fomento da actividade turística do Concello de Lugo.

Este quefacer ou traballo conxunto, elevase a categoría de principio xeral de funcionamento do sector público, precisando o art. 3.2 da LRXSP, que as administracións facilitarán a prestación conxunta dos servizos interesados.

A subscrición deste convenio mellora a eficiencia na xestión pública, contribúe á utilización conxunta de medios e servizos públicos, etc., e ademais encádrase no deber de colaboración e asistencia e cooperación xurídica, económica e técnica aos concellos sinalada no artigo 36 da Lei 7/85, de Bases de réxime local.

Neste sentido, o propio artigo 57 da LBRL da preferencia á subscrición de convenios, antes que a outras técnicas de cooperación como os consorcios, como un instrumento eficaz na asignación de recursos públicos.

No convenio concretase o seu ámbito territorial e a entidade que debe asumir os seus resultados e reflicte o contido pautado no artigo 49 da Lei 40/2015, do 1 de outubro (LRXSP).

O presente convenio ten natureza administrativa e non lle é de aplicación a Lei de contratos do sector público á vista do disposto no artigo 6 da Lei 9/2017, de 8 de novembro, de Contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014: “Quedan excluídos do ámbito da presente Lei os convenios, cuxo contido non esté comprendido no dos contratos regulados nesta Lei ou en normas administrativas especiais celebrados entre sí pola Administración Xeral do Estado, as Entidades Xestoras e os Servizos Comúns da Seguridade Social, as



Universidades Públicas, as Comunidades Autónomas e as Ciudades Autónomas de Ceuta e Melilla, as Entidades locais, as entidades con personalidade xurídico pública dependentes delas e as entidades con personalidade xurídico privada, sempre que, neste último caso, teñan a condición de poder adjudicador. A súa exclusión queda condicionada ao cumprimento das seguintes condicións (...). Neste caso, cúmprense as condicións fixadas ao efecto polo párrafo 1º deste artigo sexto (letras a, b, c) xa que as entidades intervinentes non teñen vocación de mercado (...), o convenio establece unha cooperación entre as entidades coa finalidade de garantir que os servizos públicos que lles incumben se presten de xeito que se acaden os obxectivos que teñen en común e, que o desenvolvemento da cooperación se guía unicamente por consideracións relacionadas co interese público. Ademais, no artigo 31.1 desta Lei, relativo á potestade de autoorganización e sistemas de cooperación pública vertical e horizontal, establécese que:

“As entidades pertencentes ao sector público poderán cooperar entre sí dalguna das seguintes formas, sen que o resultado desa cooperación poida calificarse de contractual:

(...)b) Mediante sistemas de cooperación horizontal entre entidades pertencentes ao sector público, previa celebración dos correspondentes convenios, nas condicións e cos límites que se establecen no apartado 1 do artigo 6. (...).”

Nestes supostos de relación interadministrativa de cooperación entre administracións públicas, con contraprestacións entre os beneficiarios ou que as administracións que os subscriben ostentan competencias compartidas de execución (ademais de actuar “*conveniendi causa*”), non é de aplicación a lexislación xeral de subvencións, sen prexuízo de tomala como marco de referencia na xustificación dos fondos, de conformidade co establecido no artigo 2.4 do RD 887/2006, do 21 de xullo, polo que se aproba o RXLS e demais normativa de concordante aplicación. Pode terse en conta na CCAA de Galicia, o artigo 2.3 do Decreto 11/2009, do 8 de xaneiro, polo que se aproba o Regulamento Xeral da Lei de subvencións de Galicia (Lei 9/2007), que aínda que non resulta aplicable ás EELL, pode tomarse como referencia.

En canto ao órgano competente sinalar que segundo o artigo 59, apartado 18 do Regulamento Orgánico da Deputación Provincial de Lugo, en relación co artigo 54.41 do mesmo

regulamento, trátase dunha atribución que corresponde á Xunta de Goberno, por canto o importe do convenio ten unha contía superior á dos contratos menores (art. 59.8 ROD).

Así pois a proposta de convenio é axustada á regulamentación específica que se contempla nos artigos referidos, polo que se informa favorablemente .

Polo anteriormente exposto, propono que pola Xunta de Goberno se adopte o seguinte acordo:

**1º.-** Aprobado o texto do Convenio interadministrativo a subscribir entre esta Deputación Provincial e o Concello de Lugo para a execución dos fins comúns consistentes en cooperar na celebración de diversas actividades e actuacións durante a festa do Arde Lvevs e o San Froilán 2019, cun orzamento total de 71.924,50 €; a achega da Deputación ascende á contía 68.328,25 €.

**2º.-** Aprobado o gasto, en concepto de achega económica, por parte da Deputación, para o financiamento dos fins e actuacións contempladas no convenio, que ascende á contía máxima de 68.328,25€ con cargo á aplicación orzamentaria 4320.46200 do vixente Orzamento Xeral da Deputación de Lugo para a anualidade 2019”.

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

**Segundo.-** *Proposta relativa ao convenio interadministrativo de cooperación entre esta Deputación e o Concello de Meira coa finalidade común de colaborar no peche posterior do recinto do centro residencial.*

Logo de ver a proposta da Presidencia do seguinte teor:

“Visto o informe– proposta do Servizo de Contratación e Fomento, relativo ao convenio interadministrativo de cooperación entre a Deputación Provincial de Lugo e o Concello de Meira,





coa finalidade común de colaborar no peche posterior do recinto do centro residencial que dispón o seguinte:

En relación co asunto de referencia procede emitir o seguinte informe:

Antecedentes de feito:

Proposta de borrador de convenio interadministrativo entre a Deputación Provincial de Lugo e o concello de Meira.

D. Antonio de Dios Álvarez, Alcalde do Concello de Meira achega escrito de solicitude de relación interadministrativa (público- público); de data 08-05-2019, ao que acompaña declaración responsable de estar ao corrente no cumprimento das obrigas tributarias, da Seguridade Social e da Facenda Autonómica impostas polas disposicións vixentes así como de non ter débedas con esta Deputación en período executivo; así como unha memoria valorada da actuación para a realización conxunta entre o Concello de Meira e a Deputación de Lugo, das actuacións de: peche posterior do recinto do centro residencial, nas que conflúen os respectivos títulos competenciais, para satisfacer demandas veciñais de xeito eficiente. Na memoria explícanse os fins e obxectivos perseguidos cos investimentos que se articulan neste convenio.

A memoria valorada acompáñase de un Informe do Arquitecto D. Jesús Bouza.

Consta no expediente, informe da Xefa do Servizo de Arquitectura.

Consta no expediente, entre outros antecedentes, os seguintes:

- a) Convenio asinado o 31 de xaneiro de 2011.
- b) Certificación do acordo Pleno, en sesión de 07/02/2011, no que se acordou ceder gratuitamente á Deputación Provincial a estrutura existente do edificio sociocultural, así como terreos inmediatos.
- c) Certificación do acordo da Xunta de Goberno, en sesión de 09/03/2018, declarando a perda da condición de medio propio por SUPLUSA.

- d) Diversas peticións da Alcaldía do Concello de Meira.
- e) Minuta de Acta da sesión do Consello de Administración de SUPLUSA, de 30/01/2019 na que se decide comunicar á Alcaldía de Meira que se acometerá o peche e amoblamento do centro de atención a maiores de Meira, tan pronto se dispoña do pertinente encargo por parte da Deputación Provincial, coa súa debida financiación, (...)
- f) Acordo da Xunta de Goberno do 22/02/2018, en relación coa segunda fase de liquidación de encargos a SUPLUSA, con entrega de resultados, mencionando, entre outros, ao CAM de Meira, outorgándose un prazo de dez días hábiles.
- g) Acordo sobre ampliación do prazo anteriormente concedido, por cinco días.
- h) Protocolo xeral de actuación entre a Deputación Provincial de Lugo e o Concello de Meira para impulsar a apertura aos usuarios dunha residencia da terceira idade no Concello de Meira, asinado o 04/02/2019.
- i) Convenio marco, interadministrativo de cooperación, entre os concellos da provincia e a Deputación de Lugo para implantar e executar un sistema de servizos sociais en centros de atención a persoas maiores (acción colaborativa bilateral e horizontal Deputación de Lugo-Concello de Meira), aprobado en XG o 17-04-2019 e asinado na mesma data.

Este Convenio ten por obxecto establecer as bases da relación interadministrativa de cooperación entre o Concello de Meira e a Deputación Provincial de Lugo en exercicio dunha competencia compartida, para acadar o obxectivo de executar os fins comúns de: peche posterior do recinto do centro residencial.

Esta acción colaborativa non conforma prestacións propias dos contratos, regulados na lexislación de contratos do sector público ou en normas administrativas especiais, comprometéndose a realizar os seguintes investimentos:

INVESTIMENTO:	ACHEGA DEPUTACIÓN	ACHEGA CONCELLO
PECHE POSTERIOR DO RECINTO DO CENTRO RESIDENCIAL	32.256,97€	0,00€
TOTAL	32.256,97€	

A Deputación desenvolverá as funcións de órgano de Contratación. Debe terse en conta a perda da condición de medio propio de SUPLUSA, o Convenio marco bilateral de data 17-04-2019



e o acordo do Consello de Administración de SUPLUSA que implicitamente recoñece que as obras de peche, ao igual que o amoblamento, está fora do encargo recibido en 2011, polo que decide non executalo en tanto non se reciba encargo e financiamento da Deputación.

O concello de Meira achegará os proxectos técnicos; e, no seu caso, memorias técnicas necesarias para a execución das obras, segundo proceda legalmente.

O Concello aportará tódolos terreos precisos, permisos e autorizacións das obras ou actuacións, para a súa correcta execución, así como o financiamento de cantos impostos ou taxas sexan necesarios para a execución do investimento.

Fundamentos de dereito:

O artigo 111 do Real Decreto Lexislativo 781/86 de 18 de abril, do texto refundido das disposicións legais vixentes en materia de Réxime Local, sinala que “as Entidades Locais poderán concertar os contratos, pactos ou condicións que teñan por conveniente, sempre que non sexan contrarios ao interese público, ó ordenamento xurídico ou ós principios de boa administración, e deberán cumprilos a teor dos mesmos, sen prexuízo das prerrogativas establecidas, no seu caso, a favor de ditas Entidades”.

O artigo 47 da Lei 40/2015, de 1 de outubro, do Réxime Xurídico do Sector Público, sinala a definición de convenios, establecendo que “son convenios os acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común.

Os convenios non poderán ter por obxecto prestacións propias dos contratos. En tal caso, a súa natureza e réxime xurídico axustarase ao previsto na lexislación de contratos do sector público”

(...)

Este mesmo artigo 47 sinala os tipos de convenios, ao establecer “Os convenios que subscriban as Administracións Públicas, os organismos públicos e as entidades de dereito público vinculados ou dependentes e as universidades públicas, deberán corresponder a algún dos seguintes tipos:

Convenios interadministrativos, asinados entre dúas ou mais Administracións públicas, ou ben entre dous ou mais organismos públicos ou entidades de dereito público vinculadas ou dependentes de distintas administracións públicas... (...).”

En canto aos requisitos de validez e eficacia dos convenios, o artigo 48 da amentada Lei 40/2015, establece “1. As Administracións Públicas poderán subscribir convenios con suxeito de dereito público e privado, sen que elo poida supoñer cesión de titularidade ou competencia; (...); 3. A subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sostibilidade financeira; (...); 5. Os convenios que inclúan compromisos financeiros deberán ser financeiramente sostibles, debendo quen os subscriban, ter capacidade para financiar os asumidos durante a vixencia do convenio; 6. As aportacións financeiras que se comprometan a facer os asinantes non poderán ser superiores aos gastos derivados da execución do convenio; (...); 8.- Os convenios perfecciónanse pola prestación do consentimento das partes. (...)”

En canto ao contido dos convenios, o artigo 49 de Lei 40/2015, sinala que “deberán incluír, polo menos:

Suxeitos que subscriben o convenio e a capacidade xurídica con que actúa cada unha das partes.

A competencia na que se fundamente a actuación da Administración Pública.

O obxecto do convenio e actuacións a realizar por cada suxeito para o seu cumprimento, indicando, no seu caso, a titularidade do resultado obtido.



Obrigas e compromisos económicos asumidos por cada unha das partes , se os houbera, indicando a súa distribución temporal por anualidades e a súa imputación concreta ao orzamento, de acordo co previsto na lexislacións orzamentaria.

Consecuencias aplicables no caso de incumprimentos das obrigas e compromisos asumidos por cada unha das partes, e no seu caso os criterios para determinar a posible sanción por incumprimento.

Mecanismos de seguimento, vixilancia e control da execución do convenio e dos compromisos adquiridos polos asinantes.

Réxime de modificación do convenio.

Prazo de vixencia do convenio, tendo en conta:

Os convenios deberán ter unha duración determinada, que non poderá ser superior a catro anos, salvo que por norma se prevea un prazo superior.

En calquera momento, antes de finalizar o prazo previsto, os asinantes poderán acordar de forma unánime a súa prórroga por un período de ata catro anos adicionais ou a súa extinción.

(...)"

O capítulo VI da LRSP non se aplica ás encomendas de xestión, nin tampouco aos acordos de terminación convencional de procedementos administrativos.

A relación de cooperación interadministrativa, coa administración municipal, como aparello técnico- administrativo (acción colaborativa) manexado na proposta e no convenio analizado, ten cabida nos principios xerais de actuación e funcionamento do sector público, nas súas relacións, establecendo no art. 3.1.k da Lai 40/2015, do 01 de outubro que “as administracións públicas, deberán respectar na súa actuación e relacións os principios de cooperación, colaboración e coordinación entre as Administracións Públicas”; ademais resulta coherente cos principios que

rexen as relacións interadministrativas tal e como se prevé no artigo 140 da mesma Lei, citando no seu apartado 1.a) “lealdade institucional” e concretando no artigo 141, na súa letra d) que consecuentemente aquelas deberán “Prestar, no ámbito propio, a asistencia activas que as outras administracións puideran recabar para o eficaz exercicio das súas competencias”. Estas relacións interadministrativas enraízan no título III da citada LRXSP.

Na idea de potenciar a colaboración e cooperación entre as administracións públicas para a satisfacción dos intereses xerais nun sistema multinivel de poder público e por ende con intereses, obxectivos e fins comúns, a Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sostibilidade da administración local, precisa no seu artigo 3.3 que “non se entenderán como o exercicio de novas competencias, (...), f) a colaboración entre administracións entendida como o traballo en común para solventar os problemas comúns que poidan formularse alen do concreto reparto competencial entre os distintos sectores da acción pública de acordo co ar. 193.2 da Lei 5/1997” –LALGA-; precepto este que regula a colaboración entre as administracións públicas autonómicas, e tamén o auxilio administrativo do art. 193.4 da LALGA conceptuado legalmente como o deber que teñen tódalas administracións de prestarlle apoio e asistencia activa as demais para que estas poidan exercer axeitadamente as súas competencias.

O artigo 30 do RDL 781/1986, de 18 de abril, polo que se aproba o texto refundido das disposicións legais vixentes en materia de Réxime Local, sinala:

“ 1.- A Deputación cooperará á efectividade dos servizos municipais, preferentemente dos obrigatorios, aplicando a tal fin: a) medios económicos propios da mesma que se asignen; b) subvencións ou axudas financeiras que conceda o estado ou CCAA; c) (...)

2.- A cooperación poderá ser total ou parcial, segundo aconsellen as circunstancias económicas dos Municipios interesados

3.- Os servizos a que debe alcanzar a cooperación serán, en todo caso, os relacionados como mínimos no artigo 26 da Lei 7/1985, de 2 de abril

(...)

6.- As formas de cooperación serán: (...) h) Subscrición de convenios administrativos; (...).”



O convenio implementa unha acción pública colaborativa, con mecanismos horizontais como unha manifestación da lóxica evolución do Estado prestacional ao Estado relacional, enfocado a desenvolver prestacións á cidadanía, mediante unha actuación adecuada e sumando esforzos administrativos, ben para acadar un resultado ou unha actividade. Neste suposto e dada a natureza das actuacións promovidas, fundamentalmente resultados concretos de peche da parcela onde se ubica o centro residencial.

Ademais, estas determinacións cadran co previsto na Lei de desenvolvemento sustentable do medio rural (Lei 45/2007, do 13 de decembro), artigos 2, 3, 34 e concordantes sobre obxectivos, definición do medio rural e financiamento polas administracións públicas das medidas de desenvolvemento do medio rural.

Son fins propios e específicos da Provincia garantir os principios de solidariedade e equilibrio intermunicipais, no marco da política económica e social (art. 31.2 LBRL). De acordo co establecido no artigo 36 LBRL modificado pola LRSAL unha competencia propia da Deputación é “a cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito”. No mesmo senso se pronuncia o artigo 109 da Lei de Administracións Local de Galicia, ao sinalar que “é competencia propia da Deputación, en calquera caso, en xeral, o fomento e a administración dos intereses peculiares da provincia”, subliñando que as competencias propias das Deputacións son ademais das atribuídas polas leis do Estado, as asignadas no mesmo concepto polas lei das Comunidades Autónomas (artigo 36.1 LBRL na súa vixente redacción). Entre as competencias das Deputacións Provinciais, o artigo 36 da citada LBRL sinala: “(...), b) Asistencia e cooperación xurídica, económica e técnica aos Municipios, especialmente os de menor capacidade económica e de xestión; (...), d) A cooperación no fomento do desenvolvemento económico e social e na planificación no territorio provincial, de acordo coas competencias das demais Administracións Públicas neste ámbito. (...)”.

As Deputacións Provinciais, de conformidade co previsto no artigo 63 da Lei 13/2008, de 3 de decembro, de servizos sociais de Galicia, de conformidade co Decreto 99/2012, do 16 de marzo, polo que se regulan os servizos sociais comunitarios e o seu financiamento; así como, consonte coa normativa de réxime local, “proporcionaránlles asistencia económica, técnica e xurídica aos

concellos na execución das súas competencias en materia de servizos sociais, especialmente na prestación de servizos sociais comunitarios básicos por aqueles concellos con menos de 20.000 habitantes”. Esta determinación conflúe co establecido nos artigos 52, 54 e 55 da mesma Lei, sobre as fontes de financiación dos servizos sociais e a colaboración financeira, ao establecer o artigo 55 “1. A colaboración financeira entre as administracións públicas levarase a cabo mediante convenios ou calquera outra formula regulada, quedando condicionada ao cumprimento dos obxectivos fixados no marco da planificación e programación autonómica e local, así como a unha preceptiva fiscalización; 2. As administracións públicas poderán igualmente conceder subvencións ou subscribir convenios de colaboración coas entidades de carácter público ou privado que presten servizos sociais, debendo garantir, en todo caso, o cumprimento da normativa vixente en materia de autorización de centros, programas e servizos sociais”.

A cooperación da Deputación Provincial, cos concellos, atribúese directamente polo ordenamento xurídico como unha competencia propia (cooperación competencial), aínda así a súa formalización require o consentimento da outra parte (o concello) para evitar que por medio da técnica de cooperación se limite a autonomía e o libre exercicio das funcións municipais.

O municipio de Meira é unha entidade local básica con personalidade xurídica e plena capacidade para o cumprimento dos seus fins, que no seu labor de procura dunha mellora na calidade de vida dos cidadáns, promove actividades e presta servizos públicos que contribúen a satisfacer as necesidades e aspiracións da comunidade veciñal; exercendo as competencias que lle atribúe como propias o Art. 25 da LBRL, na súa vixente redacción, e nos termos da lexislación do Estado e Autonómica, entre as que enumera “a) Urbanismo: planeamento, xestión, execución ...; b) Medio ambiente urbano: parques, xardíns públicos, xestión residuos sólidos urbanos ...; c) Abastecemento de auga potable a domicilio ...; e) avaliación e información de situacións de necesidade social e a atención inmediata a persoas en situación ou risco de exclusión social; (...)”

A Lei 13/2008, do 3 de decembro, de servizos sociais de Galicia (LSSG), segundo o artigo 1 ten por obxecto “estructurar e regular, como servizo público, os servizos sociais nesta Comunidade Autónoma para a construción do sistema galego de benestar”, entendendo, por servizos sociais, segundo o artigo 2 da amentada Lei “o conxunto coordinado de prestacións, programas e equipamentos destinados a garantir a igualdade de oportunidades no acceso á calidade de vida e á





participación social de toda a poboación galega, mediante intervencións que permitan o logro de diversos obxectivos, entre os que se atopan: facilitar alternativas, recursos e itinerarios de integración social a aquelas persoas que se atopan en situación ou en risco de exclusión social; garantir a vida independente e a autonomía persoal das persoas en situación de dependencia; (...)

O artigo 4 sinala os principios xerais dos servizos sociais, e concretamente o apartado “m) Coordinación: promoverase a creación e desenvolvemento de instrumentos e mecanismos de relación interadministrativa que garantan unha actuación coordinada no campo do benestar social e a igualdade, tanto por parte dos diferentes departamentos do Goberno Galego que desenvolvan políticas públicas que incidan no benestar social como polo resto de administracións públicas e entidades integradas no sistema, sexan de carácter público ou privado”. O artigo 29 sinala as formas de prestación dos servizos sociais, sinalando no seu apartado 1 “os servizos sociais prestaranse polas administracións públicas galegas directamente ou, de maneira indirecta, a través das diversas modalidades de contratación da xestión de servizos públicos ...”

De conformidade co previsto no artigo 60 desta Lei, e na demais lexislación de aplicación sobre o réxime local, corresponde aos Concellos, no marco da planificación e ordenación xeral do sistema galego de servizos sociais, as seguintes competencias: a) A creación, a xestión e o mantemento dos servizos sociais comunitarios básicos; b) A creación, a xestión e o mantemento dos servizos sociais comunitarios específicos, sen prexuízo do establecido no artigo 59º i da citada lei 13/2008; (...)

Segundo o artigo 6.2 da Lei 39/2006, de 14 de decembro, de promoción da autonomía persoal e atención ás persoas en situación de dependencia, “o sistema configúrase como unha rede de utilización pública que integra, de forma coordinada, centros e servizos, públicos e privados”.

A maior abundamento, segundo o artigo 66.2 da amentada Lei de servizos sociais de Galicia, (Lei 13/2008, de 3 de decembro), “son entidades prestadoras de servizos sociais: (...); b) As entidades locais; (...); todo isto, sen mengua da necesidade de autorizar as entidades prestadoras, centros e programas de servizos sociais, nos termos dos artigos 67 e concordantes da amentada Lei”.

A estes efectos, lembrar como a STC 41/2016, de 3 marzo, interpreta o artigo 25 da LBRL (reformado pola LRSAL), declarando que as Leis das comunidades autónomas poden atribuír competencias propias aos Concellos ao igual que outras leis estatais sectoriais.

Segundo o establecido no convenio, prevese que a Deputación Provincial sexa o órgano de contratación; na licitación do contrato ou contratos e na súa execución, respectarase a lexislación contractual e sectorial de aplicación, segundo as esixencias propias da súa natureza consonte as esixencias legais para o investimento, sendo responsabilidade dese Concello tanto a obtención de autorizacións e licencias; así como a dispoñibilidade dos terreos necesarios para a execución das obras, e o seu mantemento tal e como se especifica no convenio interadministrativo obxecto deste informe. Naturalmente cabe a execución directa das prestacións a través de medios propios non personificados, de acordo co previsto no artigo 30 da LCSP.

Sinalar que o convenio interadministrativo se configura como unha relación xurídica bilateral voluntaria, na que concorren competencias e fins comúns a todas as entidades, tanto pola causa, como polos fins e mesmo o seu ámbito, entendendo que a cooperación horizontal interadministrativa contribúe eficazmente á satisfacción dun fin público compartido, colaboración admitida tanto pola lexislación do réxime local estatal e autonómico, como polo artigo 12.4 da Directiva 2014/24, UE, do Parlamento Europeo e do Consello, segundo se recolle na guía de colaboración pública horizontal (público– público), da asesoría xurídica xeral da Xunta de Galicia; e na actualidade asumido e regulado no artigo 31 da LCSP/2017 ao referirse ás potestades de auto organización e sistemas de cooperación vertical e horizontal.

Así, para a consecución do fin común perseguido por ambas administracións, sen vocación de mercado, que é a dotación aos veciños do Concello de Meira, da Provincia e da cidadanía en xeral das actuacións sinaladas, establécese esta relación bilateral de colaboración e cooperación (acción pública colaborativa) guiadas unicamente por consideracións de interese público, na que se inclúe a seguinte previsión de financiamento e compromisos:

ANUALIDADE	DEPUTACIÓN PROVINCIAL DE LUGO	CONCELLO DE MEIRA
2019	32.256,97	---



O concello de Meira achegará os proxectos técnicos; e, igualmente, aportará tódolos terreos precisos, permisos e autorizacións das obras ou actuacións, para a súa correcta execución, así como o financiamento de cantos impostos ou taxas sexan necesarios para a execución do investimento.

A subscrición deste convenio mellora a eficiencia na xestión pública, contribúe á utilización conxunta de medios e servizos públicos, etc., e ademais encádrase no deber de colaboración e asistencia e cooperación xurídica, económica e técnica aos concellos sinalada no artigo 36 da Lei 7/85, de Bases de réxime local. Neste sentido, o propio artigo 57 da LBRL da preferencia á subscrición de convenios, antes que a outras técnicas de cooperación como os consorcios, como un instrumento eficaz na asignación de recursos públicos. No convenio inclúese o cadro orzamentario e de financiamento con cargo a anualidade 2019.

O concello de Meira será titular e responsable da posta en uso e mantemento do resultado da cooperación como previsión a incorporar ao convenio interadministrativo de acordo co previsto no artigo 49 da LRXSP.

Ao presente convenio non lle é de aplicación a Lei de Contratos do Sector Público á vista do disposto no artigo 6 da Lei 9/2017, de 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento e do Consello 2014/23/UE e 2014/24/UE, de 26 de febreiro de 2014, que sinala que “quedan excluídos do ámbito da presente Lei os convenios, cuxo contido non estea comprendido no dos contratos regulados nesta Lei ou en normas administrativas especiais celebradas entre si pola Administración Xeral do Estado, (...), entidades locais, (...)”, precepto que se complementa con artigo 31 da propia LCSP relativo á potestade de auto organización e a cooperación pública horizontal. As entidades participantes non deben ter vocación de mercado; o convenio debe promover unha cooperación para garantir que servizos públicos que lles incumben, se presten de modo que se logren os obxectivos que teñen en común e que o desenvolvemento da cooperación se guíe unicamente por consideracións relacionadas co interese público.

Nestes supostos de relación interadministrativa de cooperación entre administracións públicas, con contraprestacións entre os beneficiarios ou que as administracións que os subscriben ostentan competencias compartidas de execución (ademais de actuar “*conveniendi causa*”), non é

de aplicación a lexislación xeral de subvencións, sen prexuízo de tomala como marco de referencia na xustificación dos fondos, de conformidade co establecido no artigo 2.4 do RD 887/2006, do 21 de xullo, polo que se aproba o RXLS e demais normativa de concordante aplicación. A terse en conta na CCAA de Galicia, o artigo 2.3 do Decreto 11/2009, do 8 de xaneiro, polo que se aproba o Regulamento Xeral da Lei de subvencións de Galicia (Lei 9/2007), que aínda que non resulta aplicable ás EELL, pode tomarse como referencia.

En canto ao órgano competente, sinalar que segundo o artigo 59, apartado 18 do Regulamento Orgánico da Deputación Provincial de Lugo, publicado no BOP nº 56 de data 10 de marzo de 2011 en relación co artigo 54.41 do mesmo regulamento, aplicable de acordo coa circular de Secretaría Xeral en funcións, de data 02 de novembro de 2018, (como consecuencia do acordo da conversión do acto administrativo adoptado en sesión plenaria do 26 de xuño de 2018 polo que se presta aprobación ao Regulamento orgánico publicado no BOP nº 170 do 26 de xullo de 2018) resulta a Xunta de Goberno, atendendo ao importe económico do convenio.

Así pois a proposta de convenio é axustada á regulamentación específica que se contempla nos artigos referidos, polo que se informa favorablemente.

Polo anteriormente exposto, proponho que pola Xunta de Goberno se adopte o seguinte acordo:

1º.- Aprobar o texto do convenio interadministrativo de cooperación a subscribir entre a Deputación Provincial de Lugo e o concello de Meira coa finalidade común de colaborar na execución dos fins comúns de peche posterior do recinto do centro residencial , con un orzamento total de 32.256,97euros.

2º.- Que se aprobe o gasto en concepto de achega económica, por parte da Deputación, para o financiamento das actuacións contempladas no convenio, que ascende á contía máxima de 32.256,97 euros, con cargo ao vixente orzamento xeral da Deputación de Lugo para a anualidade 2019”.



A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

**Terceiro.-** *Proposta relativa ao convenio canalizador da subvención directa excepcional outorgada por esta Deputación á asociación cultural Os Gorriós co obxecto de colaborar no financiamento dos gastos derivados da execución da actuación “acondicionamento Souto da festa” na anualidade 2019.*

Logo de ver a proposta da Presidencia do seguinte teor:

“Resultando que no expediente relativo ao convenio canalizador da subvención directa de carácter excepcional a conceder á entidade asociación cultural Os Gorriós, co obxecto de colaborar no financiamento dos gastos derivados da execución da actuación “Acondicionamento souto da festa”, polo importe de 30.000,00€, co aboamento anticipado do 50% sobre o importe total subvencionado, é dicir, 15.000,00€, con dispensa de garantía, correspondente á anualidade 2019, constan entre outros, os documentos que se detallan a continuación:

Proposta emitida pola Unidade Administrativa Xestora que acredita a existencia de motivación suficiente, de concorrencia das razóns que habilitan a utilización deste procedemento excepcional.

Existencia de convenio canalizador da subvención antes mencionada.

Declaración responsable do beneficiario de non estar incurso en ningunha das prohibicións previstas nos apartados 2 e 3 do artigo 13 da LXS, e demais normativa de aplicación, nos termos que se establecen nas Bases de Execución do Orzamento para o ano 2019.

Informe da unidade administrativa xestora, no que se manifesta que segundo os datos que están no seu poder, o beneficiario reúne todos os requisitos para optar á subvención.

Informe favorable do Servizo de Contratación e Fomento sobre o texto do convenio canalizador da subvención.

Informe favorable da Secretaría sobre o texto do convenio canalizador da subvención, ao conformar o do Servizo de Contratación e Fomento.

Informe de fiscalización limitada previa do expediente, emitido pola Intervención Xeral e cuxo resultado é de conformidade.

A actuación que se pretende encaixa dentro da Liña 1.1– Xeración de riqueza, pertencente á área funcional de Presidencia do vixente Plan Estratéxico de Subvencións 2017-2019, aprobado por acordo da Xunta de Goberno do 23 de xuño de 2017, e cuxa actualización para o ano 2019 foi aprobada polo mesmo órgano o 8 de febreiro de 2019; xa que na mesma se establece como obxectivo estratéxico conseguir maior riqueza en termos económicos e de benestar para a Provincia. Esta riqueza enténdese no seu concepto máis amplo (aspectos materiais e intanxibles ou inmateriais), e contribuír así ao desenvolvemento conxunto do territorio, da poboación e da súa organización en todos os aspectos (económico, social, medioambiental, cultural, deportivo, dixital etc).

O obxectivo base que se persegue con esta subvención é dinamizar o medio rural, na parroquia de San Martiño de Louseiro (Sarria), coa seguintes instalacións para as actividades dos veciños:

- a) A creación dunha pista multiusos para celebrar actuacións e eventos que requiren dunha superficie homoxénea e lisa; esa pista é utilizable para actividades deportivas e para outros eventos cando as circunstancias climatolóxicas demanden a instalación dunha carpa móbil
- b) Construír un pequeno almacén para garda do material necesario para desenvolver as actividades e para custodia de útiles da Asociación.
- c) Dentro do almacén dotarse da instalación dun pequeno aseo, accesible e adaptado tamén a persoas con mobilidade reducida.

Por todo o anteriormente exposto, propónse que pola Xunta de Goberno se adopte o seguinte acordo:



1º.- Aprobar a excepcionalidade e outorgar a subvención directa de carácter excepcional, por importe de 30.000,00€ a favor da entidade asociación cultural Os Gorriós, para sufragar os gastos derivados da execución da actuación “Acondicionamento soto da festa”, subvención incluída na Liña 1.1– Xeración de riqueza, pertencente á área funcional de Presidencia do vixente Plan Estratéxico de Subvencións 2017-2019.

2º.- Aprobar o gasto de 30.000,00€ con cargo á aplicación orzamentaria 9250.789 do orzamento da Deputación Provincial de Lugo para o ano 2019, a favor da entidade asociación cultural Os Gorriós, para sufragar os gastos derivados da execución da actuación “Acondicionamento soto da festa”.

3º.- Aprobar o convenio a través do que se canaliza a citada subvención e que se incorpora ao expediente”.

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

**6.- PROPOSTA RELATIVA A ADQUISICIÓN DUNHA PARCELA DESTINADA A INSTALACIÓN DUN ESTABLECEMENTO PARA A GARDA E CUSTODIA DE ANIMAS DOMÉSTICOS EN CATIVIDADE NO CONCELLO DE MONFORTE DE LEMOS.**

A Xunta de Goberno, por unanimidade dos asistentes acorda retirar da orde do día o presente asunto para o seu mellor estudo.

**7.- PROPOSTA RELATIVA Á CESIÓN GRATUÍTA DA TITULARIDADE DO TERREO NECESARIO PARA A CONTINUIDADE DO CAMIÑO DE PENOUCOS A BOSENDE.**

Logo de ver a proposta da Presidencia do seguinte teor:

“Con data de 24.04.2019 Ángel Pérez Dacal solicitou a esta Deputación a aceptación da cesión gratuíta da titularidade dunhas porcións de terreos nas parcelas 101, 102.c e 105.b do polígono 517 da súa propiedade, para dar continuidade á pista de Penoucos a Bosende.

A propiedade a acredita acompañando a seguinte documentación:

Parcela 105.b do polígono 517:

Ángel Pérez Dacal ostenta a nuda propiedade en virtude de escritura pública de aceptación e adxudicación de herdanza asinada o 24 de xuño de 2009 ante o notario de Lugo M. Ignacio Castro Gil baixo o número 1882 do seu protocolo e da que resulta a usufrutuaria a súa nai, Matilde Dacal F. Lista.

Que, adquire o pleno dominio ao falecemento da mesma o 23.10.2011 como herdeiro único e universal de Matilde Dacal F. Lista segundo testamento outorgado en Lugo o 18 de febreiro de 1981 ante o notario Francisco Cruces Márquez baixo o número 170 do seu protocolo.

Os dereitos hereditarios suxeitos ao Imposto de Sucesións foron liquidados con data de 17 de outubro de 2012 polo Departamento Territorial de Lugo.

Que a dita parcela non consta inscrita no Rexistro da Propiedade. Non obstante, manifesta que a dita finca está libre de cargas e gravames.

Que a letra b se corresponde coa grafía que a Dirección Xeral do Catastro realiza sobre a dita parcela 105 e que, segundo a cartografía, enmarca o trazado dun camiño.

Parcela 102.c do polígono 517:

É propiedade desta Deputación Provincial a pesar de estar incluída nos documentos anteriormente referidos, posto que con data de 8 de outubro de 2001 a Comisión de Goberno acordou, xunto con outras, a adquisición por mutuo acordo dos bens e dereitos necesarios para a execución da obra “Acondicionamiento y rutas peatonales del entorno físico integrado en el Parque





Periurbano Rato- Fervedoira”, cuxa folla de Aprecio na que se describe valora e relaciona a dita parcela e asinada por Ángel Pérez Dacal con data 2 de outubro de 2001.

Parcela 101 do polígono 517:

Ángel Pérez Dacal acredita o seu pleno dominio segundo escritura de compra asinada en Lugo o 21 de outubro de 2008, e número 2638 do protocolo do notario de Lugo M. Ignacio Castro Gil. Consta inscrita no Rexistro da Propiedade de Lugo ao Tomo 1708, Libro 1269 e Folio 122.

Que por Providencia da Presidencia de 25 de abril de 2019 ordenase o inicio do procedemento a aceptación da devandita cesión, se procedese.

Que as parcelas cuxa titularidade se cede gratuitamente forman parte do proxecto provincial de rutas peonís do entorno físico integrado no Parque Periurbano Rato- Fervedoira cuxas obras de acondicionamento e execución leva anos realizando esta Deputación Provincial.

Dado que as Administracións Públicas deben perseguir a consecución do interese xeral, e tendo en conta que aceptación dos terreos descritos implica razóns de interese xeral para a comunidade de usuarios do dito camiño e en particular para os veciños da zona.

Por todo elo, vistos os informes dos Servizos desta Entidade, propónse a Xunta de Goberno a adopción do seguinte acordo:

**1º.-** Aceptar a cesión gratuíta da titularidade das porcións de terreos nas parcelas do polígono 517 do Concello de Lugo destinados a dar continuidade á pista de Penoucos a Bosende, pista ou camiño que xa existe como se detalla no informe emitido polo servizo de Medio Ambiente do seguinte xeito:

En relación coa parcela 105.b do polígono 517:

A lonxitude da parcela con referencia o camiño é de 135,3 m, e anchura media 3 m.

O valor da zona camiño da parcela é  $406\text{m}^2 \times 4,17 \text{ €} = 1.693,02 \text{ €}$

En relación á parcela 101 do polígono 517:

A lonxitude da parcela con referencia o camiño é de 16,2 m., e a anchura media é 2,9 m. A superficie do camiño é de 47 m<sup>2</sup>.

O valor da zona camiño da parcela é  $47 \text{ m}^2 \times 1,93\text{€} = 90,71 \text{ €}$ .

2º.- Deixar constancia de que consta nos arquivos desta Deputación Provincial a documentación que acredita a titularidade provincial da parcela 102c.

3º.- Formalizar a presente aceptación en escritura pública.

4º.- Ordenar a inscrición dos citadas porcións das parcelas no Libro de Inventario de Bens e Dereitos provinciais a citada aceptación.

5º.- Elevar o presente acordo ao Pleno desta Deputación Provincial aos efectos recollidos no artigo 34 do Real Decreto 1372/1986, de 13 de xuño polo que se aproba o Regulamento de Bens das Entidades Locais”.

A Xunta de Goberno, por unanimidade dos asistentes, acorda prestar aprobación á proposta presentada e anteriormente transcrita.

## **8.- APROBACIÓN, SE PROCEDE, DE PLANS DE SEGURIDADE E SAÚDE NO TRABALLO.**

Visto o plan de Seguridade e Saúde da obra que se indica, presentado por o contratista adxudicatario, en cumprimento do disposto no art. 7 do R.D. 1627/1997 do 24 de outubro, polo que se establecen disposicións mínimas de seguridade e de saúde nas obras de construción, e informe emitido polo director técnico da obra e polos servizos técnicos desta Excm. Deputación Provincial, vistos os informes dos Servizos desta Deputación así como a proposta do Sr. Deputado



Delegado da Área de Xestión Territorial a Xunta de Goberno por unanimidade dos asistentes acorda:

1º.- Aprobar o Plan elaborado para a súa aplicación á obra que se relaciona.

2º.- Comunicar esta aprobación ao director técnico e contratista, para o seu cumprimento durante a execución das obras.

#### **OBRA CUXO PLAN DE SEGURIDADE E SAÚDE SE APROBA**

- Obra: Rehabilitación de firme LU-P-6505 “Martinián (N634)- Corvelle”, PK 0+000 a 2+215, LU-P-6513 “Vilalba (N634A)- Momán- Lim prov”, ramales PK 0+750 MI e 1+250 MI e LU-P-6517 “Mourence (LUP6513)- Santaballa (LUP6519)- e ramal Igrexa Mourence”, PK 0+000 a 3+625 e ramal. VILALBA.

- Contratista: Construcciones Taboada y Ramos, SL

#### **9.- PROPOSTA DE APROBACIÓN, SE PROCEDE, DE RENUNCIAS DE SUBVENCIONES DESTINADAS A ACTIVIDADES DEPORTIVAS.**

Logo de ver os expedientes de conta xustificativa dos beneficiarios de subvenciones concedidas por acordo da Xunta de Goberno desta Excma. Deputación Provincial, a proposta da Mesa Técnica, na sesión do día 9 de novembro de 2018, onde se resolveu o concurso convocado, mediante o anuncio publicado no Boletín Oficial da Provincia núm. 095 do xoves 26 de abril de 2018, para a concesión de subvenciones destinadas á entidades de actividades deportivas; e vistas as renuncias presentadas polos beneficiarios que se indican a continuación, así como os informes do Servizo de Deportes, e as propostas do Sr. Deputado Delegado de Deportes, a Xunta de Goberno por unanimidade dos asistentes acorda:

Aceptar as renuncias presentadas polos beneficiarios que a continuación se relacionan polos importes que así mesmo se indican:

NOME ENTIDADE	NOME ACITIVADE	SUBVENCIÓN
TAEKWONDO VILALBA JANSU	CAMPIONATO FEMININO NACIONAL DE TAEKWONDO	1424
AGRUPACIÓN DEPORTIVA MARTÍNEZ OTERO	CARREIRA 77 ANOS MARTÍNEZ OTERO	641

### **10.- COMPARECENCIA NO PROCEDIMENTO Nº 105/2019.**

Logo de ver o escrito remitido polo Xulgado do Social nº 1 de Lugo, relativo ao Procedemento: Despedimento/Ceses en Xeral nº 105/2019, seguido a instancia de Don Pablo Bao Rodríguez, fronte a esta Entidade e fronte a Fundación T.I.C., en materia de reclamación por despedimento; vista así mesmo a proposta da Asesoría Xurídica desta Deputación, a Xunta de Goberno por unanimidade dos asistentes, acorda:

A comparecencia desta Entidade no Procedemento referenciado.

### **11.- COMPARECENCIA NO PROCEDIMENTO Nº 109/2019.**

Logo de ver o escrito remitido polo Xulgado do Social nº 2 de Lugo, relativo ao Procedemento: Despedimento/Ceses en Xeral nº 109/2019, seguido a instancia de D. Francisco José Veiga Carral, fronte a esta Entidade e fronte a Fundación T.I.C. en materia de reclamación por despedimento; vista así mesmo a proposta da Asesoría Xurídica desta Deputación, a Xunta de Goberno por unanimidade dos asistentes, acorda:

A comparecencia desta Entidade no Procedemento referenciado.

### **12.- COMPARECENCIA NO RECURSO CONTENCIOSO ADMINISTRATIVO Nº 153/2019-B.**

Visto o escrito remitido polo Xulgado do Contencioso Administrativo nº 1 de Lugo, polo que se reclama a esta Entidade, entre outros, o expediente administrativo do recurso P.A. nº 153/2019-B, interposto por ALLIANZ COMPAÑÍA DE SEGUROS Y REASEGUROS, S.A., fronte esta Entidade, por desestimación por silencio administrativo da reclamación patrimonial pola



cantidad de 2749,17 euros, importe de danos e prexucios sufridos pola reclamante; a Xunta de Goberno, a proposta do director da Asesoría Xurídica, por unanimidade dos asistentes, acorda:

1º.- A comparecencia desta Entidade no recurso contencioso-administrativo referenciado.

2º.- A remisión do expediente, ao Xulgado do Contencioso Administrativo nº 1 de Lugo, pola Unidade Administrativa encargada da súa elaboración.

3º.- O emprazamento, de ser preciso, de todos os que aparezan como interesados no procedemento, incluído a compañía aseguradora se fora preciso.

### **13.- COMUNICACIÓNS DA PRESIDENCIA.**

Dáse conta da Sentenza nº 113/2019 de 23 de abril ditada polo Xulgado do Contencioso Administrativo nº 1 de Lugo, no Procedemento Abreviado nº 296/2018, seguido a instancia de D. Miguel Ángel Balseiro Orosa, fronte á desestimación presunta do recurso de reposición interposto contra a resolución de data 23 de outubro de 2018 ditada no expediente nº 2010/01671 ID: 153518 Acumulación de Débitos, pola que se estima o recurso interposto fronte a dita resolución; e en cuxo fallo di o seguinte: *“Que debo estimar y estimo el recurso contencioso-administrativo interpuesto por la representación procesal de D. Miguel Ángel Balseiro Orosa, frente a la Excm. Diputación Provincial de Lugo, seguido como Procedimiento Abreviado nº 296/2018, contra la resolución indicada en el encabezamiento de esta Sentencia, que se anula por resultar contraria al ordenamiento jurídico, haciendo lo propio con la providencia de apremio y demás actuaciones anteriores de que trae causa”*. A Xunta de Goberno queda enterada.

### **14.- ROGOS E PREGUNTAS REGULAMENTARIAMENTE FORMULADOS.**

Non se formulan polos señores Deputados.

E non habendo máis asuntos de que tratar, o Presidente levanta a sesión, sendo as once horas e trinta e sete minutos do día de referencia, de todo o cal eu, a Secretaria, certifico.